

I. I. Hartman

De Hermocopidarum mysteriorumque
profanatorum iudiciis

Disquisitiones Historicae

DE
HERMOCOPIDARUM MYSTERIORUMQUE
PROFANATORUM IUDICIIS.

DISQUISITIONES HISTORICAE

SCRIPSIT

I. I. HARTMAN

LITT. HUM. DOCTOR.



LUGDUNI-BATAVORUM
S. C. VAN DOESBURGH

LIPSIÆ
OTTO HARRASSOWITZ

1880.



Digitized by the Internet Archive
in 2009 with funding from
Ontario Council of University Libraries

DE

HERMOCOPIDARUM MYSTERIORUMQUE
PROFANATORUM IUDICIIS.

HGr
H

DE

HERMOCOPIDARUM MYSTERIORUMQUE
PROFANATORUM IUDICIIS.

DISQUISITIONES HISTORICAE

SCRIPSI

I. I. HARTMAN

LITT. HON. DOCTOR.

— 259455 —

259455
/ 22 9 31

UGDUNI-BATAVORUM

LIPSIÆ

S. C. VAN DOESBURGH

OTTO HARRASSOWITZ

1880.

EX. TYPOGRAPHEO U. C. DRABBE.

„Tute hoc intristi, tibi omnest exedendum.”

Viros doctos, quorum in manus hic libellus venturus est, tametsi ad alia omnia properant, hoc rogo, ut non solum titulum adspiciant, sed et „quod scriptum est” legant. Permultum enim vercor ne quis, titulo modo adspecto, libellum, ut qui novi nihil afferre possit, abiiciat e manibus. Et profecto in eum locum *Historiae Antiquae*, de quo nunc sum disputaturus, iam tot viri docti tanta industria tantaque doctrinae copia inquisiverunt, ut hoc procul dubio affirmare liceat, quaecunque veteres scriptores de ea re tradiderunt a recentioribus esse congesta, omnesque fontes unde notitia de causa obscurissima colligi possit, plane esse exhaustos. Quid mirum autem in tanta tamque diversa materia colligenda disponendaque alium alio modo errasse et a vera demonstrandi via declinasse? Nisi fecissent, non tanta etiamnunc esset iudiciorum discrepantia, sed aut res, quae diu nebulis oblecta fuerat, in clara luce esset posita, aut omnes in hoc saltem consentirent, inutilem esse et vanum laborem, qui in ea illustranda sumeretur.

Equidem mihi communem quandam Virorum Doctorum, qui hanc partem Historiae tractarunt, errorem repperisse videor, quo sublato aliquid certe profecerimus.

Nempe omnes, qui de Hermocopidarum mysteriorumque violatorum iudiciis scripserunt, leviter inspecta brevi et eleganti Thueydidis narratione, neque dum perspecta Thueydidis mente, magis operam dederunt, ut Thueydidem ex Andocide vel minoris etiam pretii scriptoribus supplerent, quam ut ipsum intelligerent. Quo factum est, ut eorum nemo — libere enim dicam quid sentiam — nobilissimi scriptoris locum recte sit interpretatus. Etenim ita mihi persuadeo, non esse Thueydidis et Andocidis testimonia inter se permiscenda — sic enim nascetur, quod vere rudem indigestamque molem appellare possis —, sed ante omnia esse explorandum, quid nobis Thueydidēs tradiderit, deinde, ubi hoc constat, videndum, quomodo eum eius testimonio ceterorum narrationes sint conciliandae, et, sicubi hoc fieri nequit, omnia, quae cum Thueydidis auctoritate in gratiam reduci non possunt, ut mendacia vel futilia commenta esse reiicienda. Eiusmodi enim Thueydidis narratio est ut, quamquam quid sibi de Hermarum mutilatorum facinore, deque mysteriorum profanatorum crimine videatur, non aperte eloquitur, tamen, dummodo sanum adhibeas iudicium, certo demonstrari possit, quae sit ita narrantis sententia: quod si nobis contigerit ipsam veritatem tenebimus. Nam quod quis dissimulat, quod silentio premere sibi proposuit, si tamen e verbis quibus utitur bene perspicimus, hoc credo magnam habet persuadendi vim.

Initium ergo ita faciam, ut primum verba Thueydidis breviter proponam, simulque annotem, quid ab Historicis aut neglectum sit aut minus recte intellectum; deinde exquiram, quae fuerit ratio, quod consilium Hermarum mutilatorum e

Thucydidis sententia, cui si nimium tribuere videbor, hoc certe efficiam, ut postea, quid de Thucydidis, quid de Andocidis aliorumque auctoritate sit iudicandum rectius et accuratius statuamus.

C. 27. Interea quotquot lapidea Mercurii simulacra in urbe erant una nocte pleraque vultu sunt mutilata. Eius facinoris auctores nemo norat, sed, magnis pro indicio praemiis publice propositis, et illi quaerebantur, *et insuper decretum est ut si quis aliud piaculum admissum sciret, sive civis, sive peregrinus, sive servus, hoc sine poenae timore indicaret.* Atque hoc facinus gravius interpretabantur. Namque expeditionis infaustum omen videbatur; simulque facinus commissum esse putabant per coniurationem rerum novarum causa et status popularis reip. evertendi consilio.

C. 28. Indicatur ergo ab *inquilinis quibusdam et pedissequis* de Mercurii quidem simulacris *NIMIL*, sed de aliis statuīs ab adolescentibus antea per lusum et temulentiam violatis; simul indicabant mysteria haberi in nonnullis privatis aedibus per contumeliam; quarum rerum et Alcibiadem insimulabant. Hoc autem *illi, qui infestissimo in Alcibiadem animo erant* ¹⁾, *propterea quod ipsis impedimento esset, ne constanter principem locum in rep. obtinerent*, sperantes se si illum eiecissent principes futuros, *arripuerunt*, rem exage-
gerabant, clamabantque, status popularis evertendi causa et

¹⁾ Droysenus in praecelara illa dissertatione de Aristophanis Avibus et Hermocypidis duobus locis suae expositioni Thucydidis verba praemittit, sed priore loco (Mus. Rhen. III, 185) pro *οὐ μάλιστα τῷ Ἀλκιβιάδῃ ἀχθόμενοι ἐμποδὼν ὥστε σφίσι μὴ αὐτοῖς τοῦ δόμου βεβηλῶς προστάναι* unum vocabulum Germanicum „die Gegner” ponit, altero loco (ib. p. 202) ea verba ita vertit: „Die Beschuldigung gegen ihn griffen besonders diejenigen auf, welche ihm feindselig waren weil er . . . et q. s.” Quod haud parum a vero abhorrere quisque videbit.

mysteria habita et Mercurii simulacra esse mutilata: horumque nihil sine illo esse perpetratum: cuius rei hoc argumentum addebant, quod et in victu cultuque corporis ea uteretur insolentia, quae mores populares excederet.

Videamus iam an ex his, quae Thueydidis de facinoris ratione et consilio sit sententia, vel potius quid compertum habeat, efficere possimus. Primum illud apparet, de quo nemo dubitat, illos, qui prae ceteris in omnium conspectu omnes vires intenderunt, ut Alcibiadem perderent, homines populares, demagogos fuisse ¹⁾. Praeter verba citata hoc demonstratur iis, quae sequuntur, ubi narratur (C. 29) illos inimicos, quum Alcibiades postularet ut prius de se iudicium haberetur, quam classis portum relinqueret, metuisse *„μὴ μολυγγίζηται ὁ δῆμος“*, quae verba egregie conveniunt in illos, qui *„ἐπισίζουσιν et ἐπιρρύζουσιν ἐπὶ τοῖς ἐχθροῖς“*, et immisisse *ἄλλους ἐχθρούς*.

Dixi neminem dubitare, quin demagogorum opera factum sit, ut Alcibiades in iudicium vocaretur, nemini ignotum esse illos, metuentes, ne militum favore sustentaretur, effecisse, ut de eo absente *„fecisse videtur“* pronuncicaretur; verbo homines populares fuisse, qui nulla dissimulatione, sed palam ante oculos populi inimicitias suas cum Alcibiade sint persecuti. Res in aperto est: ipse Thueydides non obscure ita narrat, neque opus est longa illa argumentorum serie, quam Gilbertus ²⁾ enumerat. Non enim ille id demonstrat quod

¹⁾ Roscher *Leben, Werk und Zeitalter des Thuc.* p. 431: „Das (verba: *οἱ μάλιστα τῷ Ἀλκ. ἀχρόμενοι ἐμποδῶν ὄντι σφίσι μὴ αὐτοῖς βεβαίως τοῦ δήμου προστάται*) wäre doch nur sehr gezwungen von Oligarchen zu verstehen.“ Nimis elementer vir doctissimus: non esset haec contorta explicatio, sed extrema insania.

²⁾ Gilbert *Beiträge zur innern Geschichte Athens im Zeitalter des Peloponnesischen Krieges* p. 253—267; contra quem si hic illic aerius

vult: namque, dum impugnat sententiam eorum, qui putant Hermas mutilatos esse a coniuratione optimatum, eo consilio, ut Alcibiades in suspicionem vocaretur, non nisi illud probat, populares homines illud facinus in suum usum convertisse. Causa erroris haec est, quod neque ille neque alii satis accurate rationem habuerunt sermonis Thucydidei; unum certe verbum omnino neglexerunt. Ita enim Th. scribit: καὶ αὐτὰ ὑπολαμβάνουσιν ὅτι μάλιστα τῷ Ἀλκιβιάδῃ ἀχρῖμενοι... ἐμεγαλύνον καὶ ἐβίβων κτέ. Atqui ὑπολαμβάνει is, qui, quod alius dicere instituit, excipit, qui, quod ab alio est inchoatum, ad eum finem perducit, quem ipse maxime cupit ¹⁾. Non ergo statim post facinus commissum demagogi Alcibiadem aggressi sunt, sed tum demum, quum ab aliis eius mentio facta esset, clamare et vociferari coeperunt, dataque occasione usi sunt in aemuli sui perniciem.

Videamus iam quid inde sequatur. Si, id quod multis placere video ²⁾, homines adolescentes a cocna redeuntes, non

disputare videbor, sit hoc, quoniam ille ceteris magis omnia argumenta, partim iam ab aliis prolata, quae cum mea sententia certant, in unum corpus collegit. Nolo hercle ita accipiatur, quasi de viro impense docto et egregio eius libro minus honorifice iudicem.

¹⁾ Si quam accuratissime vim verbi ὑπολαμβάνειν describis, hoc credo addi posse, ne de ea quidem re usurpari, quae se casu fortuito alieni offert, sed de ea tantum quam certo consilio ab alio institutam alius arripit, et in suum usum convertit, ita ut non possit Newtonus, quum pomum de arbore decidens vidisset, recte dici illam rem ὑπολαβάνον legem corporum cadentium exeogitasse; sed ille tantum physicus philosophus qui alii inventum suum surripit. Verum haec, quoniam subtilius disputata videri possunt, ad annotationes relegavi, statimque demonstrabo me etiam sine huius argumenti auxilio causam meam defendere posse.

²⁾ In his Gilberto p. 252, qui tamen p. 267 ridicule suo se gladio ingulat, ubi, postquam ex Thucydide narravit, ab inquilinis servisque indicatum esse de aliis simulacris mutilatis, haec addit: „In unsern

meditati, sed prae insolentia temulentiaque impium illud scelus commiserunt, quod totam civitatem ipso bello magis consternavit, res erit admodum simplex: statuendum enim erit, optimates omnis in Alcibiadem culpaе fuisse immunes, aliosque eum non habuisse inimicos quam demagogos, qui a fortuna datam facultatem sibi non praetermittendam rati, id quod temere ab adolescentibus quibusdam gestum esset, quoniam populo magnae calamitatis videretur prodigium, in miseri sui adversarii caput converterint. Sed quod verisimile est, interdum non est verum.

Quamquam ne verisimile quidem hoc videri potest, nisi illi qui tantum obiter Thueydidem inspexit. Certe non ita visum est Grotio ¹⁾ summo viro, Hertzbergio egregio Alcibiadis vitae scriptori, aliisque viris clarissimis quos a me lau-

beiden andern Quellen bei Plutarch und Andocides wird von Anzeigen über Verstümmelung anderer Bildwerke nichts berichtet, offenbar deshalb weil dieselben, wie auch Thueydidēs andeutet, in *trunkenem Uebermuth*, und ohne dass sich bei diesem eine staatsgefährliche Tendenz erkennen liess, zerstört waren."

Accedit, quod memoria virum doctissimum fallit; legitur enim apud Plutarchum (Ale. c. 19): ἁλλων τε ἀγαλμάτων περικοπὰς καὶ μυστηρίων τε; ὧν ἀτιμωμήσεις τοῦ Ἀλκιβιάδου καὶ τῶν φίλων κατηγοροῦντας.

¹⁾ History of Greece VII, 214 de inimicis Alcibiadis: „Their machinations begin with the mutilation of the Hermæ..." et post pauca: „that the destruction of Alcibiades was one of the direct purposes of the conspirators is highly probable. But his enemies, even if they were not among the original authors, at least took upon themselves half the guilt of the proceeding." Et in admirabili illa annotatione, qua Hermarum iudicia eum causa quadam ex recentiore historia Angliæ comparat (p. 215): „At Athens, there was unquestionably a plot; the Hermocopidae were real conspirators, not few in number. No one could doubt, that they conspired for other objects besides the mutilation of the Hermæ. At the same time, no one knew what these objects were, nor who the conspirators themselves were."

dari minime est necessarium. Et profecto illa opinio, non nisi temulentiam in culpa fuisse, nequaquam cum Thueydidis narratione convenit; quod contra est, non esse temere facinus commissum, non dicit quidem, sed ita eum censere ex iis quae narrat liquido demonstrari potest.

Haec enim sunt eius verba: καὶ τοὺς δρᾶσαντας ἤδει εὐδοεῖν, ἀλλὰ μεγάλαις κηρύττοις δημοσίᾳ εὖτεί τε ἐξήκουοντο, καὶ προσέτι ἐψηφίσαντο καὶ εἴ τις ἄλλος τι εἶδεν ἀπέβηκεν γεγεννημένον κηρύσειν ἄδεῖν τὸν βουλούμενον καὶ ἀστῶν καὶ ξένων καὶ δούλων. Hoc decretum quid sibi vellet, quae eius esset ratio, quod consilium, nemo Hertzbergio ¹⁾ neque perspexit melius, neque elocutus est, quapropter, ut possim „auctore meam defendere vocem“, eius verba hic proponam, quamquam vereor ne vere „barbare“, quae ille elegantissime et gravissime Germanice dixit, vertisse videar:

„Illud decretum, quo omnes Athenienses ²⁾ fide publica data, praemioque proposito, admonebantur ut, quidquid de quavis impietate notum haberent, magistratibus indicarent, viam munivit, quam postea iudicia illa de Hermoeopidis sunt secuta. Vix quidquam excogitari poterat, quod graviora attuleret pericula. Namque licet quidem putare, senatum populumque in eo decreto faciendo, optima quaeque sibi proposita habuisse. Videri illis poterat, e republica esse, tandem de religione et cultu patrio contra contumeliosam impietatem defendendis cogitare, et renataeque iuventuti, quae luensque impune, quidquid populo sacrum videbatur, deriserat, metum incutere. Quin etiam expectare poterant, ita fieri posse, ut

¹⁾ In Alcibiade p. 166 sqq.

²⁾ Addendum est: „omnes servi et peregrini“ nam ex Thueydidis narratione ne unum quidem verbum sine damno omitti potest.

in impiorum numero Hermocopidas quoque investigarent. Sed, si quis sibi ante oculos proponeret, quantopere iamdudum Sophistarum praecepta patriam fidem in animis eorum, qui aliquid supra vulgus saperent, labefactassent; si quis reputaret, omnes eruditiores miserabilem in modum in eam rem consentire, ut fidem patriam contemnerent, sacra deriderent, divina et coelestia nihili facerent, illum credendum est horrorem invasisse, deliberantem ex eo decreto quot et quanta mala nasci possent. Quo enim saepius in sacra peccatum erat, quo plures impietatis erant affines, eo magis calumniae artibusque delatorum via illo decreto aperiiebatur. Revera, ex quo populus eam legem fecit, ut non de Hermocopidis, sed de universa religione quaereretur, iudicia illa, quae de re sacra exerceri dicebantur, exercebantur tamen de republica, quantas calamitates civitati Atheniensium indixerunt? Ne de magno eorum numero dicam, qui victimae ceciderunt irae et anxietatis popularis, ita hominibus factiosis contigit, ut admirabili calliditate plebeculae pietatem in suae factionis commodum converterent. Sic enim, ut breviter dicam, optimatibus contigit ut, adiuvantibus popularibus ¹⁾, sibi invisum Alcibiadem, qui plurimum apud populum valebat, perderent, simulque statum popularem reipublicae gravi clade afficerent." Quibus mox addit: „in Alcibiadem, cuius in rebus sacris levitas vulgo nota erat, non difficile erat gravissima crimina impietatis proferre."

Neque aliter Droysenus ²⁾, quem Hertzbergius maximam partem secutus est, illius decreti illos exstitisse auctores et

¹⁾ Ultima verba quo sensu dicat p. 169 et 171 declarat. Me hac in re cum eo non facere mox apparebit.

²⁾ Mus. Rhén. III, 179 sqq.

suasores censet, qui quovis modo Alcibiadem perdere sibi propositum haberent. Et quis quaeso serio putare potest, populum Atheniensem, nullo dolo malo ab Alcibiadis adversariis adhibito, eam legem iussisse? Quid? Consternati erant omnes, trepidabat tota civitas, non ob mysteria profanata, neque ob aliud quoddam nefas admissum, sed ob Herinas plerosque omnes una nocte mutilatos. Populine est in tali re quaestionem decernere de aliis impiis facinoribus? vel eius, qui in contione ea dicit, quae sibi maxime e republica videantur, talem quaestionem suadere? Hercle qui hic non odoratur fallacias tectasque insidias, ne ille animo nimium candido est!

Sed video me iam sensim ad Thucydidem defendendum esse delapsum, quum mihi non nisi cum interpretari proposuissem. Videamus ergo, an ex Thucydide investigare possimus, quales illi Alcibiadis adversarii nobis fingendi sint, qui dolo malo effecerunt, ut decretum illud fieret. Populares homines non fuisse, iam ex eo apparet, quod si ita putaret, non minus libere professus esset, quam paulo post apertas τῶν δημοκρατῶν καὶ ῥητόρων inimicitias describit. Quid quod non solum non dicit, sed ut antea docuimus, uno verbo ὑπελακμύζοντες palam negat?

Si ergo populus Atheniensis neque sponte sua neque suasu eorum, qui putarent sic optime deos placari posse, legem illam περὶ τῶν ἄλλων ἀσεβημάτων iussit, sed deceptus ab Alcibiadis inimicis, inimicos autem illos demonstravimus non fuisse partium popularium, quid restat quam ut legis illius patronos et suasores optimates fuisse statuendum sit? Atque id non solum mathematica quodammodo ratione — quam in rebus historicis non valere satis scio — sed aliis quoque argumentis probari potest.

Nempe, si semel constat, populum Atheniensem in con-
tione ut praemia proponerentur non tantum illis, qui de
Hermis mutilatis, sed etiam illis, qui de qualibet alia impie-
tate indicarent, impulsus esse ab iis qui Alcibiadem perire,
quam rempublicam salvam esse mallent, si hoc, inquam, semel
constat, necesse est, eosdem viros ante omnia operam dedisse, ut
quam primum apud populum Alcibiadis mentio iniiceretur, eius-
que adversus deos immortales impia facinora commemorarentur.

Utrius ergo generis homines melius scire poterant ab illo
mysteria esse profanata? Hominesne de populo, quorum vix
credibile quemquam adfuisse? An iuvenes ex gentibus amplis-
simis quibuscum esse consueverat? Nam profecto homines
nobiles, quamvis gratiosi apud populum esse studeant, tamen
non solent ita esse populares, quin in epulis et vino Theog-
nideum sequantur praeceptum:

καὶ παρὰ τοῖσιν πῖνε καὶ ἔσθιε καὶ μετὰ τοῖσιν

ἴξε καὶ αὐδαὶν τοῖς, ὧν μεγάλη δύναμις,

malintque cum sui generis hominibus τὸν ἔντα νόον ἀπολλύ-
ναι, quam ἐθελᾷ διδάσκεισθαι ab iis qui sint obscuriore loco nati.

Iam fac de mysteriorum illa profanatione aliquem ad popu-
lum pervenisse rumorem, parum tamen probabile est, praeter
Alcibiadis necessarios quemquam omnia tam accurate nota
habuisse, ut confidere posset se, lege περὶ τῶν ἄλλων ἀσεβη-
μάτων perlata, Alcibiadis culpam populo esse probaturum.
Videamus nunc quales homines primi Alcibiadis mentionem
fecerint: μέτοικοι et ἀκλόνοιοι. Nolo nimis severe agere cum
iis, qui nullam optimatium culpam in iudiciis illis versatam
esse contendunt. Non illud rogo, si quis homo de plebe ali-
quid de mysteriorum profanatione inaudiverit, quod cum
populo communicare vellet, putans id e republica esse, quare
non ipse prodierit, quod secret narraverit, testimonium denun-

ciarit iis, qui sibi narrassent, vel, si a servis audisset, ab eorum dominis postulaverit, ut servos illos ad quaestionem exhiberent. An illud omisisset Thucydides? Certe illi demagogi, qui semel Alcibiade nominato, omnes vires intenderunt, ut populum in eum incitarent, si ipsi eius impietatem novissent, non aliorum indicia expectassent, sed statim vociferati essent, non ὑπολαμβάνοντες, sed ab initio illum deorum irrisorem, illum patriae proditorem, illum, ni ipsi populo providerent, regem et tyrannum futurum omni laterum intentione demonstrassent. Sed mitto haec omnia. Unum rogo. Si qua est suspicio, etiam levissima, in aliquo iudicio fuisse quasdam optimatum partes, nonne multo plus illi suspicioni tribuas, postquam cognoveris indicia prima a pedissequis esse profecta? Praesertim quum illi indices ea ipsa indicaverint, quorum causa paulo ante lex de indicis lata et perlata erat. Nam immissos illos inquilinos et pedissequos, et pretio corruptos fuisse quis neget? Cleones autem et Hyperboli non solent suos sibi pedissequos habere. Lautioribus tantum hominibus isti praesto sunt, et, quod ab illis imperatur, quamvis sit nequam exsequuntur.

Lex ergo περὶ τῶν ἑλλήνων ἀπεργαζέσθων nihil spectabat praeter Alcibiadis perniciem: qui tulerunt, eodem effecisse, ut prima Alcibiadis mentio fieret, res ipsa clamat; impietatem eius praeter invenes, summo loco natos, vix quisquam accurate novisse poterat. Prima de eo indicia fiunt per inquilinos et eos servos, quorum opera nonnisi homines nobiles utuntur, quum ex civibus nemo eius mentionem faciat. Quis, hisce ita propositis, non sentiat, primo tempore populum Atheniensem de Alcibiade ne cogitasse quidem, sed optimates quosdam et legem illam perniciosam suasisse, et primos indices produxisse; erant enim inter illos qui εὐνοῦσται τοῦ δήμου εἰσέουσιν εἶναι.

Nondum omnia, quae ex nostro loco disci possunt, exposui. Inquilini nempe illi et pedisequi, quibus prima indicia debentur, de aliis quidem deorum simulacris et de mysteriis profanatis indicant, sed de Hermis ipsis . . . *nihil* ¹⁾. Magis hoc argumento quam ceteris omnibus probatur id, quod modo demonstrare conatus sum ²⁾, auctores legis *περὶ τῶν ἄλλων ἁτεβήματων* unam Alcibiadis perniciem spectasse, de religione et consternatione publica satis securos; eosdem immisisse indices, non qui de impii facinoris, quod omnium animos gravi terrore pereulerat, auctoribus populum facerent certiores, sed qui facultatem et occasionem praeberent Alcibiadem aggrediendi. Verum, quamquam sic satis intelligitur, a talibus hominibus non fuisse expectanda gravissima et maximi momenti indicia de Hermocopidis, tamen quod nihil omnino de iis indicaverint est quod miremur. Causa tamen non latet in densis tenebris: dummodo sanum adhibeas iudicium, simul et ea causa quae fuerit apparebit, et quid de Hermocopidarum flagitio sit censendum, magis quam si undecunque colligas testimonia perspieitur. Dicebam esse quod miremur indices de ipsis Hermocopidis nihil narrasse. Profecto, quamvis impudentes illos fingas, qui servos suos ad indicandum in contionem miserint, tamen erat res ardua et suspicionis plena, de eo, quod primum erat, tacere, et statim ad alia impia facinora transire. Certe, si illi celare vellent, sibi esse aliquam societatem cum auctoribus legis *περὶ τῶν ἄλλων ἁτεβήματων*, multo cautius fecissent, si saltem aliquid de iis impiis qui

¹⁾ Ad illud *περὶ μὲν τῶν Ἑμμῶν οὐδέν* nemo historicorum attendit. Prorsus omittit Gilbert II. p. 267.

²⁾ Miror neminem eorum, qui operam dederunt ut demonstrarent, Alcibiadem ab omni Hermarum mutilatorum suspitione esse remotum, (Grote p. 170) de hoc argumento cogitasse.

maxime quaerebantur finxissent. An credis indices illos fuisse tam sincera fide homines, ut tacerent potius quam mentirentur? Verum, ut iam dixi, non est quod diu quaeramus. Dominorum enim intererat, ut de Hermis mutilatis prorsus taceretur, sed ad mysteria mentes hominum converterentur. *Pedissequorum illorum domini, inquam, ut possent omnes illas in Alcibiadem machinationes instituere, aut ipsi, aut per amicos suos, Hermas mutilaverant.*

Quae deinde, quum semel Alcibiades inter eos nominatus esset, qui mysteria profanassent, sunt secuta, ea apud Thucydidem ita perspicuo narrantur, ut non opus sit iis explicandis immorari. Magis consentaneum erit, ut iam nostris verbis totam rem, quemadmodum e Thucydidis narratione confici potest, demonstramus, et Alcibiadis inimicorum insidias ab initio exponamus. Optimates Athenienses, quum nihil intentatum relinquere vellent, quominus invisa sibi et odiosa in Siciliam expeditio fieret, Alcibiadem populo suspectum reddere statuunt, sperantes ita fore, ut aut decretum de bello in Sicilia gerendo, cuius ille acerrimus fuerat suasor, rescinderetur, aut saltem, duceum peritissimo remoto, illud bellum non felici illo eventu gereretur, quem, eo duce, animo praesagiebant ¹⁾. Quumque eum deorum patriorum contemptorem esse novissent, idque data occasione multis argumentis probare se posse scirent, nihil habebant antiquius, quam ut prius adversus omnes, qui de rebus divinis liberius cogitarent, popularium animos stimulant incitarentque. Ergo nocte quam occultissime deorum simulaera, quae erant ante omnium oculos mutilant, itaque toti populo metum religiosum, acerrimumque adversus impios odium inveniunt. Re in contione proposita,

¹⁾ Cf. Grote p. 171.

unum et alterum e sinu suo ad populum prodire iubent, qui, *δοκούντες εἶναι εὐνούστατοι τῷ δήμῳ*, de impietate late grassante quererentur, deos immortales contemni, poenasque divinas esse metuendas, et iam iam instare ostenderent. Ita populo persuadent, ut de tota religione quaereretur, decretumque fieret, quo non solum de Hermis, sed de quolibet impio facinore, quod commissum esset, indicia, fide publica data, expositularentur. Iam, quum res eo pervenisset, prodeunt ad populum indices, quos prius paraverant, quidque esset dicendum tacendumque edocuerant. Illi, quod erat expectandum, de Hermis nihil indicant, sed de aliis simulacris mutilatis et mysteriis profanatis, quorum et Alcibiadem incusaverunt. Verum, semel Alcibiadis quum mentio iniecta esset, aliud genus inimicorum prodit: demagogi enim, quibus Alcibiadis apud populum gratia offerebat, facultatem sibi a fortuna datam lubentissime arripuerunt, ut adversarium suum perderent. Ad quos quum ita res pervenisset, optimates causam, quam ipsi instituerant, relinquunt atque e certamine recedunt; quin etiam non possunt prohibere, quominus et sui generis homines, *πάνυ καλοί τε καὶ κακοί* intereant. Sic id quod optimates clam instituerant, homines populares palam in usum suum converterunt ¹⁾).

Ea rei expositio, quam non contorta et fallaci ratioecinatione, neque minutissimis undecunque corrasis auxiliis probare opus est, sed quae sponte e Thucydidis verbis prodit, dummodo lector sit ingenio paulo sagaciore, mihi perquam probabilis videtur, et egregie cum indole reipublicae Atheniensis convenire. Nolo tamen ita de meis disquisitionibus iudicetur, quasi rem prorsus novam et inauditam mihi videar repperisse, et novam quandam lucem Historiae antiquae attu-

¹⁾ Cf. p. 8, ann. 1.

lissee; — οὐχ οὕτω τετόφραμαι. Nam, quamquam mea sententia ab Historicis recentioribus aut prorsus aut pro altera parte abhorret, — alii enim nullam in iudiciis et nefario facinore optimatum culpam versatam esse contendunt, alii de quadam demagogorum et optimatum societate loquuntur — tamen saltem unus πολλῶν ἀντάρξιος: Grotius ¹⁾ idem de Hermocopidis et iudiciis, quae insecuta sunt, censet quod ego supra fusius exposui. Unum illud novum me repperisse arbitror, eam Thucydidis quoque sententiam fuisse. Videndum nunc erit, quae contra eam ab Historicis afferantur, qua occasione simul utar ut, quod ab initio mihi proposui, ostendam, prae Andocide fere neglectum hucusque iacuisse Thucydidis testimonium. Sed unum praemittam, ex quo appareat, quanta saepe etiam in rebus gravissimis doctorum virorum sit incuria et negligentia.

Quin oratio περὶ τῶν μυστηρίων ab ipso Andocide scripta sit, nemo Historicorum recentiorum, quos quidem ego inspexi, dubitat; argumenta a Nabero ²⁾ in dissertatione proposita nihil movere viros doctos videntur. Atqui, si Andocides eius orationis auctor est, fieri non potest, quin fuerit inter Hermocopidas; ille enim qui, ut ait Thucydides, ἐδίδκει χιτῶν-τατος εἶναι, si nil habet quo se defendat, praeter id quod § 61^a narrat: εἰσηγήσατο μὲν πινύτων ἡμῶν ταύτην τὴν βουλήν Εὐφίλητος, ἀντεῖπον δὲ ἐγὼ κτέ., herele se ipse indicat. Neque minus apud omnes constat, Andocidem oratorem in bello Coreyreensi praefuisse classi; quae de ea re

¹⁾ p. 172: „That which the mutilators of the *Hermæ* seem to have deliberately planned, his other enemies were ready to turn to profit.”

²⁾ S. A. Naber spec. Acad. Inaug. de fide Andocidis orationis περὶ τῶν μυστηρίων. L. B. 1850.

disputavit Naberus ¹⁾), quamvis sint gravissima, viri docti nihili faciunt ²⁾). Et sunt inter eos qui arbitrentur, Hermarium flagitium non nisi a temulentis adolescentibus esse commissum. Verba sunt (Gilberti ³⁾), quae quia ridiculi aliquid habent, Germanice afferre lubet: „Bei der Entscheidung der Frage, welche von diesen Deutungen das grösste Mass der Wahrscheinlichkeit in Anspruch nehmen darf, kann ich mich nur für diejenige erklären, die in dem Hermenfrevell die That übermüthiger Jünglinge erkennt. Trunkenheit, und der in einem solchen Zustand besonders starke Zerstörungstrieb des Menschen gewähren eine hinreichende Erklärung des Ereignisses.“ Verum, si revera Andocides a. 432 classi praefuit, tempore Hermocopidarum certe non erat „ein übermüthiger Jüngling“ ⁴⁾).

Sed haec hactenus.

Omnibus fere viris doctis maximi momenti argumentum esse videtur, quod Alcibiades ipse Spartae in contione professus est, se demagogorum opera in exilium missum esse. Sufficiat nominasse Roscherum ⁵⁾ et Gilbertum ⁶⁾. Non pos-

¹⁾ l. l. p. 9^a sq.

²⁾ Praeter Kirchhoffium (in *Hermes* vol 1^o) omnes viri docti nimis despicere videntur Lysiae, qui dicitur, orationem in Andocidem, quam ut ei quidquam tribuant. Ipse Herwerdenus ad Thue. I, 51 annotat: Andocides, clarus ille orator.

³⁾ l. l. p. 252.

⁴⁾ Minus ad rem facit quod eodem modo Grotius quoque peccat; p. 205: „he was a young man of rank and wealth in the city.“

⁵⁾ l. l. p. 431: „überdiesz erklärt Alkibiades selbst zu wiederholten malen, dass ihn die demokratischen Parteihäupter verjagt haben: sowohl in Sparta (VI, 89), was man vielleicht für Täuschung ausgeben könnte, als auch den Athenern gegenüber, die doch jedenfalls genau davon unterrichtet waren (VIII. 47).“ Quasi non prorsus eadem res esset!

⁶⁾ l. l. p. 253: „wenn man aber den gezwungenen Zusammenhang betrachtet, in den der Mysterienprocess gegen Alkibiades mit der

sum satis mirari, viros doctos ita in clara luce cecutire. Unus Grotius ¹⁾ hic quoque sibi imponi passus non est, et fere omnia, quae in ea oratione Alcibiades mentitus est, refutavit; neque tamen in re tam aperta tam gravi auctore opus est. Quid, quaeso, impudentius ab Alcibiade dici potuit quam: τῆς ὑπαρχούσης ἀνελκυσίας ἐπειρόμεθα μετρίωτερον ἐς τὴν πολιτικὴν εἶναι, qui ante paucos menses Niciae aliorumque in republica temperantiam acerrime impugnasset, et infimae plebeculae levitate et credulitate abusus esset ut funesta illa expeditio fieret? Quis unquam perfidiam et fallaciam scelestiorem adversus hostes acerrimos adhibuit, quam qua Alcibiades Spartanos foedus et amicitiam cum Atheniensibus petentes deceperat, quum, privatas inimicitias ulciscendi causa, foederis cum Argivis auctor existeret? Tamen de ea re ita loquitur quasi iustas inimicitias aperto certamine exercuerit: καὶ διὰ ταῦτα διελθὼς ὑπὲρ ἐμοῦ πρὸς τὰς τὴν Μαντινέαν καὶ Ἀργείων τραπεζεύοντων καὶ ὅσων ἄλλων ὑπονομιόμαζον ὑμῶν ἐβλάπτουσθε. Quis tota Graecia minus alienus erat ab affectatione tyrannidis? Tamen non pudet eum in publico conventu dicere, se eo tantum nomine popularem dici posse, quod tyrannidis adversarius sit. Profecto qui ita, quaecumque antea gessit cogitavitque, eo detorquet, ut se hominem Spartanorum mentibus et vo-

Einsetzung der 400 gebracht is (ab Isocrate in or. de bigis), so wird die Angabe um so verdächtiger, als wir die gewichtige Erklärung des Thukydides besitzen, die dieser sogar dem Alkibiades selbst in den Mund gelegt hat, dass er von den Demokraten und deren Führern aus Athen vertrieben sei (VI, 89; VIII, 47; vergl. auch VIII, 53; VI, 15A)."

Ultimus locus, quem G. affert, nihil probat praeter id quod omnes norunt, homines populares in omnium conspectu suas cum Alcibiade inimicitias esse persecutos: et quod ad VIII, 53 attinet, quis Pisandro fidem habeat?

¹⁾ VII, 240.

luntati accommodatissimum et esse et semper fuisse demonstrat¹⁾, hebes fuisset, si de Mysteriorum crimine aliter exposuisset, quam ut demagogorum nequitiae exsilium suum crimini daret. Et quod addit Roseherus: „quod Alcibiades ita Spartae loquitur, Spartanos decipere videri potest: verum eadem coram Atheniensibus dicit, qui tamen procul dubio accurate noverant quomodo res gesta esset“, eodem iure dicere liceret: „quod Alcibiades de fallaciis, quibus Spartanos in foedere cum Argivis faciendo circumvenerat, coram Spartanis, quos optime meminisse expectes quam turpiter suis legatis Alcibiades imposuisset, ne verbum quidem facit, satis demonstrat, quaecunque de ea re traduntur, a Thucydide ficta esse“. Nam et Athenienses, de quibus Thuc. VIII, 47 sermo est, sunt *οἱ δυνάτατοι* et *οἱ βέλτιστοι τῶν ἀνθρώπων*. Accedit quod, quae de mysteriorum iudiciis dicit ne falsa quidem sunt; omittit tantum ea, quae minus e re sua esse videantur, quod herele homines Alcibiade multo candidiores interdum facere non verentur.

Ad duos Thucydidis locos viri docti omnino non attendunt, quamquam multo maiorem in nostra causa viam habent, quam omnia ea quae apud eundem Alcibiades mentitur. Leguntur L. VIII, c. 63 et 68.

Καὶ ἐν σφίσιν αὐτοῖς ἅμα οἱ ἐν τῇ Σάμῳ τῶν Ἀθηναίων κινολογούμενοι ἐσκέψαντο Ἀλκιβιάδην ἐπειδὴ περ οὐ βούλεται εἶναι καὶ γὰρ οὐκ ἐπιτήδειον αὐτὸν εἶναι ἐς ὀλιγαρχίαν ἐλθεῖν.

¹⁾ Egregie Grotius p. 240: Doubtless the inferences so drawn from the speech would be unsound, because it represented, not the actual past sentiments of Alcibiades, but those to which he now found it convenient to lay claim.

Παρέτχε δὲ καὶ ὁ Φρύνιχος· ἑαυτὸν πάντων διαφερόντως
προθυμύτατον εἰς τὴν ἐλιγερρίαν δεδιὼς τὸν Ἀλκιβιάδην....
νομίζων οὐκ ἂν ποτε αὐτὸν κατὰ τὸ εἶδος ὅπ'
ἐλιγερρίαν καταλθεῖν.

Atque ita opinantur Phrynichus et eius similes, homines
qui vel Grotio melius de republica Atheniensi iudicare pote-
rant. Nonne hinc satis apparet, optimates ipsos sensisse, Al-
cibiadem tam aere erga se imo pectore servare odium, ut
illud nullum tempus delere posset? Et qui ita sentire pote-
rant, si nullius erga eum culpae sibi conscii essent? Namque
illi, qui partium popularium erant, quamquam sciebant suos
duces non ante multos annos omnem lapidem movisse, et om-
nibus modis populum incitasse, ut Alcibiades condemnaretur,
tamen sperare poterant, se facili negotio cum Alcibiade in
gratiam redituros: Ἀλκιβιάδην τε, ἃν αὐτῷ ἄδειάν τε καὶ
κάθεδον ποιήσωσιν, ἄσμενον τὴν παρὰ βασιλέως ξυμμαχίαν
παρέξειν. (Thuc. VIII, 76 versus finem). Quis non perspi-
cit demagogos, quantacunque eorum in Alcibiadem invidia
fuisset, quam maximo clamore testati erant, insecios tantum
illas in eum machinas admovisse, quas optimates, qui cum
Alcibiade in una civitate vivere se non posse intelligebant,
paraverant?

Aliud argumentum, quo eos refellere solent, qui primas
partes optimatibus tribuunt, hoc est, quod illi, quos ex An-
docide novimus morte sua impietatis poenas dedisse, omnes
homines nobiles fuerunt. Hic mihi primum illud monendum,
quod numquam satis observatur. Saepissime demonstratum est
quam sit sublesta fides Andocidis. Nemo contradicit, tamen ad
unum omnes Historici, ubi de huius temporis historia expo-
nunt, uno Andocide nituntur, eumque quasi certissimum du-
cem sequuntur. Mox graviora exempla alteremus, nunc hoc

unum sufficiat monuisse, omnes nomina illa reorum, quae apud Andocidem leguntur, bona fide et nihil dubitantes recipere. Quin etiam ita se ei dedunt, ut et de iis, de quibus nemo quidquam seire potest, graviter et docte disputent, et, si ubi nomen cuiusdam reperiatur, qui non fuit inter id genus hominum, quos probare student iudiciorum de re sacra violata victimas fuisse, ἐμμενυμίζε fingant, huic scilicet rei ante omnia operiam dantes, ne de suo cum Andocide consensu quidquam detrahatur. Iucundum est Roscherum ¹⁾ videre qui, quamvis magnam in ea re undique doctrinam colligat, tamen non potest ultra eos fines progredi, quos ipse semper repetitis vocabulis „fieri potest“, „veri similiter“, „fortasse“ designat. Ex plus 30 hominibus vix 10 sunt, de quibus aliunde certi aliquid novimus. Et quam saepe Roscherus absurdum in modum historiae vim facit ²⁾.

Fac autem omnes illos, qui impietatis crimine sunt damnati, sine ulla exceptione optimates fuisse. Quid deinde? „Absurdum est“ ait Gilbertus ³⁾ „machinationis, quae illud effecit ut, quae inde incommoda nata sunt, in optimatum capita converterint, optimates fuisse auctores opinari“. Concedo Cassianum illud „cui bono“ singularem vim habere ad

¹⁾ l. l. p. 427 sqq.

²⁾ Turpe est versus ex Avibus (1701):

κατὰ τῶν ἐγγλωττογαστῆ —
ρων ἐκείνων τῶν Φιλίππων
πανταχού τῆς Ἀττικῆς ἡ
γλωττὴ χωρίς τέμνεται.

ita explicare: Philippos.... der in den Wespen ein Opfer der demokratischen Richter heisst.

Et quid significat: Charoades der *nach Kleons Sturz* mit Laeches zusammen in Sicilien commandirte.

³⁾ l. l. p. 254.

rem convincendum, sed simul addo, ita saepe innocentes convinci posse: itaque ancipitem esse et fallacem huius formulae in rebus iudicandis usum. Quanto magis in historia? Verum sit non iniusta illa inquirendi ratio, immo sic valeat, ut cuicumque aliquod maleficium profuit, illum commisisse, cuicumque nocuit, illum esse innocentem statuendum sit, tamen ne hoc quidem nostrae causae obesse contendo. Ita enim Thucydidem narrare demonstravi, ut optimates doceat rem instituisse, Hermas mutilasse, legem *περὶ τῶν ἑλλήνων ἀτεβημάτων* suasisse, postremo ut inter suspectos Alcibiades quoque ab indicibus nominaretur effecisse, sed postea, quum demagogi de evertendi status popularis consilio clamare coepissent, e certamine recessisse, neque prohibere potuisse quominus et *ἀξιώλογον ἄνθρωπον* in vineula conicerentur, et morte poenas lucent. Hoc si teneas non amplius te Cassiana sententia morabitur. An clandestina illa optimatum consilia semper tam prudenter et caute instituuntur, ut iis verendum non sit, ne ipsi in suas plagas incidunt? Nonne ipsa historia docet, optimates, quum de iusta victoria desperent, animo ardenti et exasperato plerumque ad eas artes confugere, quae suis rationibus maxime noceant? Quid? Quum de longis moenibus Piraeum versus aedificandis lex perlata esset — utar enim exemplo, quod nostrae causae mirum quantum affine est —, quumque optimates, quibus ea res non minus ingrata erat quam posteris eorum expeditio Siciliensis, consilium iniisident de patria hostibus tradenda ¹⁾, nonne id effecerunt, ut et nobiles, quibus patria carior esset, cum populo redirent in gratiam ²⁾, et suae factionis homines in Bocotia opprimeren-

¹⁾ Thuc. I. 107.

²⁾ Plut. Cim. 17.

tur¹⁾, postremo ut moenia illa maiore festinatione exaedificarentur²⁾? Quod si quis aliud quoque exemplum desideret, adeat Müllerum-Strübingium, qui in aureo illo libro „Aristophanes und die Historische Kritik,” de Platacensi proditione non absimili ratione exponit³⁾.

Si revera homines nobiles, Alcibiadis perdendi consilio, Hermas mutilaverunt, legemque qua de universa religione indicia expostulabantur pertulerunt, necesse est eosdem homines tibi lingas operam dedisse, ut primo quoque tempore Alcibiades eiusque impietas proferretur, iamque antea servos suos et clientes nonnullos subornasse, qui data facultate populum de Mysteriis ab Alcibiade profanatis edocerent. Illos autem insidiarum ministros supra conteudi eosdem esse, qui a Thuecydide μέτοικοι καὶ ἀνέλεστοι dicuntur. Quos si aliquo modo demonstrari potest, aliquanto post legem περί τῶν ἁλλων

¹⁾ Thuc. I, 105.

²⁾ Thuc. ib.

³⁾ p. 238. Ipsa afferre lubet verba sagacissimi viri, qui quamvis supra meas laudes sit, tamen hic mihi laudandus est, non tantum, ut mihi sit testimonio, sed multo magis, ut ita data occasione utar probuendi, quanto opere eum admiror: „Freilich wenn Herr Wachsmuth (qui Plutarchi narrationi de illa proditione fidem negat) bei seiner Verwunderung das Gewicht auf das *Unsinnige* legt, auf die völlige Undenkbarkeit des Gelingens eines solchen Planes, die bewaffnete Demokratie im Lager auf eigne Hand aufzulösen, und erst im *Falle des Misslingens* einen Ruckhalt an den Persern zu suchen, nota bene, wenn die Herrn Verschwornen dann noch lebten, und wenn sie nicht vielmehr bei dem Misslingen des Versuchs von den Demokraten sofort niedergehauen waren... wenn Herr Wachsmuth darauf das Gewicht legt, so hat er Recht, die Sache kaum, oder vielmehr gar nicht begreiflich zu finden!” Quae post pauca addit: die permanente Verschwörung des von seiner Machtvolle gestützten Adels ist der „rothe Faden”... iis afferendis supersedere possum, quia iam in ore populi literati versantur.

ἀσβεβημάτων perlatam de Alcibiade indicasse, tota mea disputatio, reique expositio, quam Thucydideam esse demonstrare conatus sum, evertitur et corrui. Ipse autem Thucydides ita narrat, ut, quin statim illi pedissequi et inquilini ad populum prodierint, non sit quod dubites. Postquam enim docuit, quare populus in inquirendo de Hermarum flagitio tam acer fuerit, statim ita pergit: *μηνύεται οὖν ὑπὸ μετοίκων τὲ τινων καὶ ἀκροούτων*, nullo addito vocabulo, quo longius quoddam temporis intervallum significetur. Et apertius etiam Plutarchus ¹⁾: *ἀπαρταν ἐξήταζον πικρῶς ὑπύουσαν ἢ τε βουλὴ συνισῶσα περὶ τούτων καὶ ὁ δῆμος ὥς ἐν ὀλίγῃσι ἡμέραισι πολλάκις ἐν δὲ τούτῳ δούλους τινὰς καὶ μετοίκους κτέ.* Quid vero recentiores historici? Plerique omnes in eo consentiunt, ut dicant longum esse elapsum tempus, antequam de sceleris auctoribus quisquam populum faceret certior. Satis erit Droysenum ²⁾ nominasse et Hertbergium ³⁾. Hoc illud est quod modo dicebam prae Andocide Thucydidem contemnere et negligere, et ex alterius narratione alterius testimonium non

¹⁾ Alc. 18 sq.

²⁾ Mus. Rhen. III, 169: Sobald die That ruchtbar geworden war, folgten Rathssitzungen, Volksversammlungen, Aufruf zur Denunciation auch von anderweitigem Religionsfrevl. Man fand keine Spur der Thäter. Schon waren die Bundestruppen in Athen, schon lag eins der Admiralschiffe vor dem Hafen. Da endlich brachte Pythonicus u. s. w.

³⁾ Alcibiades p. 208: Man denke nur daran, wie lange es, trotz aller offiziellen Aufforderungen, ja trotz der Blutpreise dauert, ehe die erste Anzeige gemacht wird! Quamquam Hertbergius suo se gladio ingulat, qui paulo ante ita dixerit: „Umsonst versammelten sich, jeden Verdacht scharf zu untersuchen, Senat und Volk wiederholt in wenigen Tagen. Da entschloss man sich endlich zu dem heillosen Decret: wenn Jemand, gleichviel ob Bürger, Fremdling oder Sklave“ u. s. w. Si enim „tandem aliquando“ illud decretum factum est, (quod Thucydide auctore pertinaciter nego) non multi dies ante Pythonici indicium restant.

supplere sed depravare. Qui enim longius temporis spatium inter funestum illud decretum et primam denunciationem intercessisse contendunt, Andocidis auctoritati sese dedunt, ita narrantis, Pythonicum indicem ad populum prodiisse, quum iam classis in eo esset ut vela daret, deinde ceteros indices recensentis, sed qui ante Pythonicum indicaverit nominantis neminem. Quumque satis probabiliter Droysenus illius temporis chronologiam ita statuerit, ut Hermarum flagitium in diem X m. Maii incidat, Pythoniei autem indicium in diem IX m. Iunii, inde probant, fere solidum mensem intercessisse, quo nullum indicium ad populum pervenerit ¹⁾. Non dicam, mihi multo probabiliora videri (Goetzii ²⁾) et argumenta et computationem, ita censentis, Hermarum scelus non esse commissum ante diem VIII m. Iunii, i. e. non plus septem diebus antequam classis abiret. Nam etiamsi verum viderit Goetzius, tamen fieri non potest, ut Andromachus et Teucer iidem sint qui a Thueydide ἀρχαῖοις et μετρίοις appellantur. An sic plurali numero significari possunt unus servus et unus inquilinus: vel potius unus tantum servus, nam Teucer de Aleibiade ne verbum quidem facit. Herce si viri docti semper ante oculos haberent, id quod nemo eorum ignorat, incertissimum et fallacem ducem esse Andocidem, non vererentur hoc pro certo affirmare, Thueydideos illos μετρίους et ἀρχαίους ab

¹⁾ Certe qui ante Droysenum fuit Shuterus in Lectionibus Andocidis p. 57: „ae tum quidem“ ait „de Hermis nihil est indicatum: non diu vero postea, quum classis in Siciliam abiret, iamque Lamachi Imperatoria tirenensis portum relinqueret, surrexit repente Pythonicus“ c. q. s.

²⁾ Wilhelm Goetz der Hermokopidenprozess (in Supplemento Fleckeiseni Annalium Vol. VIII): qui libellus, summa cura et diligentia scriptus, cur a censore in diario c. t. „Literarisches Centralblatt“ tam inique improbatum sit, non assequor.

Andocide prorsus esse omisos¹⁾, non primum Pythonicum denunciassse, sed eum praecessisse magnum indicum numerum, verbo fuisse quidem quasdam Pythonici in illis iudiciis partes, non vero eas, quas ei tribuit Andocides. Et profecto, qui accurate Andocidem legerit, et inter legendum sanam mentem adhibuerit animumque intenderit, ubi orator narrat aliquem virum aliquid fecisse, dixisse, suasisse, viri illius nomen habebit, sed utrum ille id fecerit dixeritque, quod narrat Andocides, an aliud quid, nisi aliunde certo constet, se iuxta cum ignarissimis ignorare fatebitur. Quod ne imprudenter et incaute pronunciassse videar, viros nonnullos, quorum nomina, facta, casus apud Andocidem leguntur, recensebo, atque oratorem demonstrabo alias certare cum Thucydide, alias veritatem in suum usum detorquere, alias incuria et negligentia aut ipsum sibi obloqui, aut id narrare, quod fieri nunquam potuisse probe novimus, nisi iterum iterumque ad homonymiarum *τοκίων επιτροπών* confugiamus.

Thuc. c. 60, anxiam populi Atheniensis in Hermocopidis investigandis curam civitatisque trepidationem describens, his utitur verbis: *καὶ πάντα αὐτοῖς ἐδοῦναι ἐπὶ ἑυνομοσίᾳ διαπραχινῇ καὶ τυραννικῇ πεπραχέναι. καὶ ὅς αὐτῶν διὰ τὸ τοιοῦτον ἐργιζομένον πολλοὶ τε καὶ ἀξιόλογοι ἄνθρωποι ἤδη ἐν τῷ δεσ-*

¹⁾ Vidit hoc Naberus de fide Andocidis or. de myst. p. 21: „Cur memorare supersedet Androcleum de quo Plat. Alc. 19: *ἐν δὲ τοῦτω δούλους τινάς καὶ μετρίκους τρωγάζεν Ἀνδροκλῆς κτλ*” Eosdem illos fuisse servos et inquilinos, quos habet Thucydides, negari non potest. Neque facio cum Gilberto neganti p. 265, Androcleum eos produxisse. Admodum enim mihi videtur probabile, subornatos istos indices, patronorum suorum suasu, quo maiorem haberet fidem indicium, primum se ad Androcleum, probatum populi fautorem contulisse, atque ita Androcleum nihil suspicantem primum demagogorum fuisse, qui se optimatum praebuerit ministrum.

μωτηριῷ ἦσαν καὶ οὐκ ἐν πυχλῇ ἐφείνετο, ἀλλὰ καθ' ἡμέραν ἐπεδιόσταν μάλλον ἐς τὸ ἀγριώτερόν τε καὶ πλείους ἔτι ξυλλαμβάνειν, ἐνταῦθα ἀναιδέεταί εἰς τῶν δεδωμένων κτέ. Non est credo boni scriptoris in talibus id, quod maxime ad lectorum animos commovendos pertinet, omittere; ergo ne Thucydides quidem, ut opinor, si quid carcere et vinculis atrocius proferre potuisset, in uno ξυλλαμβάνειν substitisset, sed, si vel unus impietatis suspicione necatus esset, hoc quoque suo loco addidisset; quoniam populi inprehendendis tantum suspectis vehementiam affert, pro vero constat, ante Andocidis confessionem nullum capitale supplicium esse sumptum. Andocides tamen non solum § 13^o narrat: Πελύστρατος συνελήφθη καὶ ἀπέθανε (post Andromachi indicium), sed et § 34^o: οἱ μὲν αὐτῶν Φεύγοντες ἔρχοντο, οἱ δὲ συλληφθέντες ἀπέθανον κατὰ τὴν Τεύκρου μῆνυσιν; § 49^o: οἱ μὲν τεθνήσκει οἱ δὲ εἰσέρχονται Φεύγοντες (ita Andocidem alloquitur in carcere amicus); § 52^o: οἱ μὲν ἤδη ἐτεθνήκεσαν ὑπὸ Τεύκρου μνηυθέντες; § 67^o: καὶ μνηύσαντος κατ' αὐτῶν Τεύκρου οἱ μὲν αὐτῶν ἀπέθανον οἱ δὲ ἔφυγον.

Excepto uno Polystrato omnes, qui ab Andromacho erant denunciati, fugiunt; eorum primus et ordine et nobilitate est Alcibiades. Est ea mera oratoris negligentia, e qua tamen apparet, quam parum ei cordi sit veritas; neque licet violenta aliqua explicatione rem eo deducere, ut, quod incuria est, brevitatem dicamus, nam idem recurrit § 16^o, ubi quos Agariste indicaverat recensentur: Charmides, Alcibiades, Axiochus, Adimantus, additis verbis καὶ ἔφυγον οὗτοι πάντες ἐπὶ ταύτῃ τῇ προφάσει.

Ergo et Charmides fuga poenam vitavit. At § 17^o Charmides est in carcere, et notum illud consilium Andocidi dedit. Hic tamen duas video defensiones paratas et saepius

adhibitas. Altera est infirmum illud *ὑπανομίαις* praesidium, quo equidem nunquam lubens utar. Absurdus etiam alterum est, quod tamen ex ipso Andocide probari possit, si modo quis τὸν ἥττω λόγον κρείττω ποιῆν studeat; nempe inson-tem videri eum, in cuius domo mysteria profanantur. Etenim ne Pulytio quidem inter eos quos Andromachus indicavit recensetur. Verum, si quis non quidvis explicare atque defendere potius, quam sobria atque sana mente id, quod legitur, interpretari sibi propositum habet, ex locis a me allatis (§ 13^a et § 16^a) hoc discet: primum fugisse Charmidem: nam profecto levior etiam suspicio insta illis temporibus erat fugiendi causa, quam si quis insinularetur domum suam impiac mysteriorum derisioni praebuisse. Deinde ea quae orator de Pulytione et Alcibiade § 13^a narrat ex eadem, quam supra indicavi, incuria profluxisse; vera esse quae in Thessali *εἰς χυγελίᾳ* leguntur apud Plutarchum in Alc. c. 22; locumque Andocideum tam esse suspicionis plenum ut, si quis tamen duplicem illam subscriptionem probet, quam Droysenus ¹⁾, plaudentibus viris doctis, excogitavit, is, si recte rem perspicias, uno *Isocratis* testimonio nitatur ²⁾.

Sed quod ad Charmidem attinet, invitus homonymiae argumentum probem, prioremque illum c. gr. Glaueonis filium fuisse concedam. Quamquam non levis est incuria, in altero

¹⁾ Mus. Rhén. IV. p. 38.

²⁾ De Pulytione hoc quoque observandum est, cum aliqua probabilitate e fragmento Pherecratis apud Photium (Meineke II. 278) ellici posse, ei impietatem non impune abiisse. Certe aliquo casu attlictum esse hominem appareat e verbis

οὐχ ὡς τὴν δίκην
τὴν Πουλυτίανος κείμενην ἐπέβλεπον

Cf. Muller Strubing: Protagorea, in Fleckeisneri Annalibus vol. 121 p. 99.

patris nomen addere, in altero omittere, praesertim quum alterius Charmidis causa alia etiam difficultate prematur, nota quidem omnibus, quam tamen nemo, quantum scio data opera tractaverit. Plutarchus nempe non Charmidem sed Timaeum affirmat Andocidi suasisse, ut civitatem formidine liberaret. Hic equidem neque credere possum, Plutarchum hoc nomen non in suo fonte repperisse, sed de suo finxisse, neque ullam causam video, cur in tali re Andocidi fidem habeamus. Non enim in nomine tantum Andocides a Plutareho discrepat, sed et tota consilii illius narratio plane opposita est iis, quae apud Thucydidem et Plutarchum leguntur. Quae enim Thucydides et Plutarchus habent eodem fere redeunt: Andocidi suasisse virum quendam, qui erat in eadem custodia, ut paucos, sive vere sive falso indicaret, ceteros periculo liberaret. Quis non statim videt, quanti interfuerit Andocidis, in indicio id ipsum vel apertissimo mendacio negare, seque demonstrare non alios denunciasset, quam quos sciret maxime in culpa esse. Atqui Andocidi suadere εἴτε καὶ τὰ ἐνταυ μὲν ὄσται, εἴτε καὶ μή tantum alienus quidam et antea ignotus poterat: ut ergo aliqua cum veri specie possit probare, se illo indicio illi gessisse morem, qui se de patris, affinium, amicorum periculo admonuisset, seque prae ceteris suspectum esse non vulgi rumoribus inaudivisset, sed ideo sciret, quod suam cum Euphileto nosset familiaritatem, ut hoc inquam probare possit, pro Timaeo isto fratrem suum amitinum Charmidem substituit. Quae praeterea in ista Andocidis de suo indicio narratione insint vulnera, mox videbimus.

§ 35^a haec leguntur: Τεῦκερς ἐπὶ τοῖς Ἐφραῖς ἐμῆνυσε... Φερεκλέα... Μέληπτον. Eorum, quos Teucer denunciavit, alii fugiunt alii capitale supplicium patiuntur (quod, ut supra demonstravi, cum Thucydide certat). Atqui Meletus iam ab

Andromacho indicatus erat et absens capite damnatus (§ 13^a). Hic ergo interea, ut iterum fugam capessere posset, aut, si forte, capite plecti, in urbem redierat. Non minus absurda est Phereclis causa; hic enim, quum iam a Tenereo esset indicatus, atque igitur aut necatus esset, aut abiisset in exilium, iterum a servo suo indicatur (§ 17^a). Nisi ergo et hic, quum domi suae impium illud facinus fieri passus esset, tamen omni suspitione atque periculo liber esset, necesse est eundem bis in exilium abiisse; nam nisi *solus* Leogoras, a Lydo indicatus, in urbe remanserit, tota disputatio quae §§ 19^a sq. legitur irrita est. Viden quam saepe homonymiae argumentum, si semel eo usus sis, eodem iure adhiberi possit? Quod si semel videris, quam sit fallax, concedes mihi, ut opinor, ne inscriptionem quidem a Kirchhoffio editam multum Andocidi prodesse ¹⁾. Namque summus ille vir, quum sibi videatur praeclare Andocidi subvenisse, erutis e vetusto lapide nominibus quibusdam hominum, quorum bona sunt publicata, quum iidem ab Andocide inter impietatis reos recenseantur, tamen in Panaetio haeret et ad homonymiae praesidium confugit, scilicet ut Andocidis § 52^{um} eum § 13ⁱ reducat in gratiam. In illa enim orator affirmat, Panaetium cum tribus aliis a se uno esse indicatos, in hac Panaetium ab Andromacho denunciatum esse narrat.

His, quoniam sunt ex eodem genere, alias quasdam observationes addam, quibus demonstrem quam sit in rebus historicis sublesta Andocidis fides. Pleraeque autem earum non

¹⁾ Kirchhoff: über eine Urkunde der Poeten in Fleckeiseni Annalibus vol. 81 p. 238—255, ell. cum eiusdem Andocidis in Herme vol. 1 p. 14.

magis novae sunt quam ea, quae in praecedentibus de viris, quorum apud Andocidem nomina leguntur, annotavi, sed multo maiorem earum partem iam ante me Naberus aliique observarunt. Quoniam vero mihi id demonstrare proposui, in legendo et explicando Thueydide nihil nos morari oportere Andocidis auctoritatem, non inutile me opus facere arbitrari si, quantum fieri possit, omnia ea colligam et sub unum dem conspectum, quae apud oratorem fide indigna videantur.

Verba Thueydidis sunt: *μεγάλας μὲν ὑποτίθει οὖτοι (οἱ Ἑρμοκρίδαι) τε ἐζητοῦντο, καὶ προσέτι ἐψηφίσαντο καὶ εἴτις ἄλλο τι εἶδεν ἀπέβηκεν γεγενημένου μὲν ὑποτίθει ἄδεα τὸν βουλόμενον καὶ ξένον καὶ ἀστῶν καὶ δεούλων.* In universum ergo a populo impunitas promittebatur, si quis de quavis admissa impietate aliquid edoceret, estque ea res per se satis probabilis. Quid autem Andocides? Andromacho servo impunitatem decernunt *οἱ μεμνημένοι* (antecedunt enim § 12^a verbis *ἐπεὶ δ' ἐψηφίσαντο αὐτῶ τὴν ἄδειαν* haec: *ἔδοξε τοῖς πρυτάνεσι τοῖς ἀμυήτοις μετὰ στήθεσι*), et Teucer (§ 15^a) non nisi impetrata a senatu impunitate (*ἄδειαν εὐρόμενος*) ἀπογράφει τοὺς μεθ' ἑαυτοῦ. Quam inutile esset decretum populi, si in singulis causis iterum de eo esset decernendum! Et quid Andromacho impunitate opus erat, qui tantummodo adfuisset, sed nihil fecisset, quod poena dignum esset? Ille mihi illud argumentum opponi potest, ipsi quoque Andocidi, ut ipse ait in oratione de reditu suo § 23^a, impunitatem ex eo decreto datam esse, quod suasisset Menippus, neque fieri posse ut orator ibi quoque a vero aberret, quippe qui statim illud decretum recitari iubeat. Sed interest aliquid inter Teuceri causam et Andocidis. Ille sponte sua Athenas redierat, et, quum nulla de eo esset vel delatio vel suspicio, se et alios nonnullos indicaverat. Si illi ergo peculiari impunitatis decreto opus esset,

omnino nullam vim haberet decretum, quale est apud Thucydidem. At Andocides non solum iam ab alio denunciatus erat, non solum in vincula coniectus, sed et *ἀπιώτατος ἐδόκει εἶναι*, ita ut ei sive taceret, sive confiteretur, certissima morte esset percundum. Non mirum igitur, illum peculiari lege impetravisse impunitatem, si non sontes potius quam insontes indicasset.

Verba illius decreti secundum Thucydidem erant: *εἴ τίς τι εἶδεν ἄλλο ἀσέβημα γεγενημένον μηνύειν ἄδεῖν τὸν βουλόμενον*. Neque credo, si revera homines ad indicandum adhortari voluerunt Athenienses, eos alia addidisse. At, si fides Andocidi (§ 20^a), ita scripserunt: *εἰ μὲν τὰ λήβῃ μηνύσειέ τις εἶναι τὴν ἄδειαν, εἰ δὲ τὰ ψευδῇ τεύχεσσι*. Praeclarum herele decretum, quodque magis credas homines deterruisse, quam ad indicandum incitasse. Quis credat ita decrevisse Athenienses, quum facinoris obscuritate anxii essent ac perturbati, et quocumque tandem modo de auctoribus fieri velent certiores?

§ 22^a. Omnia illa, quae orator de Speusippo patrisque sui in eum actione tradit, atra premuntur caligine. Nihil tamen in iis reperitur absurdius quam quod nunc proferam. „Si verum esset” orator ait „quod inimici mei dixerunt, me patrem meum indicavisse, Speusippus in ea *παραινόμενον γράφῃ* me ita esset allocutus: „*ἔλεγχξε σὺ τὸν πατέρα ἢ οὐκ ἔστι σοι ἄδειαν*.” Credo, si insanus esset Speusippus. Andocides enim non erat inter eos, quos Lydus denunciaverat. Quid ergo ei cum impunitate? Inimici nonnisi id contendunt Andocidem patrem suum indicasse, minime ipsum quoque de se confessum esse. Respondet reus: „non a me, sed a Lydo Phereclis servo pater meus indicatus est.” Ergo si ita se res haberet, ut affirmant adversarii, Andocides, mendacii

convictus *ψευδομαρτυρίᾳ* crimine peti poterat, impunitate ei opus non erat.

Quod attinet ad praemia pro indicibus proposita, praeter istud *Ἀνδριανῆς ὑπὲρ τῆς βουλῆς*, quod nemo intelligit neque intellecturus est, orator docet § 27^a, praemia ista, pridem proposita, indicio habito data esse Andromacho et Teucro. Verum Andromachus nonnisi de mysteriis profanatis indicaverat: illi tamen maius praemium solvitur, quum apud Thucydidem nulla sit mentio praemiorum, quae iis proponerentur, qui de aliis impietatibus essent denunciaturi. Verba enim eius haec sunt: *καὶ τοῦ δρασχυτάτου ἔδειν οὐδεὶς ἀλλὰ μεγίστοις μὲν ὑπὲρ τοῦ οὐτοῦ τε ἐζητοῦντο, καὶ προσέτι ἐψήφισαντο καὶ εἰ τις ἄλλος τι εἶδεν ἀπέβηκεν γεγενημένων κτέ.* Aut igitur Thucydides parum accurate scribit, aut omnia susque deque habet Andocides. Ecce subito istae semel datae et adnumeratae centum minae § 41^a sq. revertuntur. Inducitur enim Diocles senatui narrans, sibi ita cum Andocide eiusque sodalibus convenisse, ut intra mensis spatium sibi pro praemio centum minarum, publice proposito, duo talenta essent daturi, se autem, ab Andocide destitutum, nunc denunciaturum in senatum venire. Credo quemque hoc ita mecum esse explicaturum, Dioclidem, praemio duorum talentorum fraudatum, nunc saltem illas centum minas amittere nolle. An tam probum eum fuisse credas, ut illud constituerit tempus, quo elapso iam praemia illa, publice proposita, essent dissoluta. Vel si, ut affirmat Andocides, prorsus falsa fuit eius narratio, tamen hominem tam parum avarum tamque ab omni cupiditate remotum fuisse arbitraris, ut eum capitis sui periculo totum istud mendacium finxerit, quum iam nulla spes lucri superesset. Aut ergo orator in illa de Dioclide narratione parum accurate versatus est, aut

in eo peccavit, quod eius nomen omisit inter eos, qui de praemiis publice propositis certarunt.

Leviora sunt quae §§ 45^a et 51^a observavi, non tamen hoc loco prorsus omittenda. In altera legitur: Βοιωτοὶ δὲ πεπυσμένον τὰ πρᾶγματ' ἐπὶ τοῖς ἱρίοις ἦσαν ἐξεστρατευμένοι, quum Thueydides hoc habeat: καὶ γὰρ οἱ καὶ στρατιὰ Λακεδαιμονίων ἔτυχεν μετρήϊ Ἰσθμοῦ παρελθεῖσθαι πρὸς Βοιωτούς τι πράττοντες ¹⁾.

In altera: ἐπὶ δὲ (ἑταῶν) τριακισίους Ἀθηναίων μέλλοντας ἀδίκως ἀπολεσθῆναι. At ex indicio Dioclidis non plures quam 42 in vinculis erant. Redit idem § 58^a. Est hoc egregium exemplum, quam nihili orator faciat veritatem, dummodo moveat auditores.

Multo gravius est peccatum quod ad Andocidis confessionem pertinet. In praecedentibus narraverat, eos, qui a Teucro, quasi mysteria profanassent, essent indicati, omnes fuga necem vitasse, eos, quos Hermas violasse insimulasset, partim in exilium iisse, partim comprehensos esse et necatos (§§ 18^a et 34^a). Iam hoc satis mirum, quum haud dubie eodem tempore de utrisque denunciaverit Teuceer. Qui ex Teuceri indicio comprehensi erant iam ante Dioclidem necati erant ²⁾, vid. § 67^a πρὶν ἡμῶν ὑπὸ Δικκλιδέου δεθῆναι. Andocides tandem praeter eos, quos iam Teuceer nominaverat, quatuor viros indicat, et hi quoque supplicium effugiunt (ib.). Nemo

¹⁾ Praestat credo discrimen inter utrumque scriptorem notare, quam Goetzii rationem sequi qui, Thueydideo loco citato, ex Andocide addit: „Die Boeoter standen ebenfalls an der Grenze, natürlich der Spartaner wegen.“ Nam cur aut Thueydides Boeotos, aut Andocides Spartanos omittit?

²⁾ Hoc neglexit, et ita graviter errat Blassius, qui in nobili libro „Die Attische Beredsamkeit“ p. 274 Not. 1. de hoc discrimine inter Andocidem et Thueydidem ita disserit: „Doch da Andocides auch solche ausserdem nannte die von Teucros schon angezeigt waren, so ist dieser Widerspruch nur scheinbar.“

ergo neque post neque propter Andocidis indicium morte poenas dedit. Quod adverso fronte certat cum eo, quod habet Thucydides c. 60^a: τοὺς κατὰ τιθέντας κρίσεις ποιήσαντες τοὺς μὲν ἀπέκτειναν κτέ.

His iam ita expositis, non possum non attingere quaestionem, iam a Nabero tractatam, utrum illa oratio, quae tot tamque aperta mendacia contineat, spuria videatur an genuina. Cui quaestioni quo melius accuratiusque respondeam, hoc mihi praemonendum est, externa, quae vocantur, argumenta contra Nabero nulladum esse prolata, quibus quin genuina sit oratio extra dubitationem ponatur. Magnum me dicere sentio, namque video, omnibus philologis et historicis persuasissimum esse, a Kirchhoffio certissimis argumentis epigraphicis orationem Andocidi esse vindicatam. Utramque ergo illarum inscriptionum parum in nostra causa valere demonstrare conabor. De priore brevis esse possum. Ibi enim Kirchhoffius ex vetusto lapide quinque nomina eruit virorum quorum bona sunt publicata ¹⁾. Illos contra Rangaben neque post proelium ad Aegos flumen, neque post proelium ad Arginusas damnatos esse liquido demonstrat. Neque est cur in eo quoque cum verum vidisse negemus, damnatos eos esse in iudiciis, quae anno 415 de re sacra sunt habita. Nomina enim haec sunt: Axiochus Alcibiadis f., Adimantus Leucolophidis f., Euphiletus Timothei f., Panaetius, Oeonias Oeoniae f. Eadem in oratione de mysteriis reperiuntur, ubi Axiochus et Adimantus dicuntur indicati ab Agariste, Euphiletus a Teuero, Panaetius et Oeonias ab Andromacho. (Oeonias enim non po-

¹⁾ Kirchhoff über eine Urkunde der Poeten in Fleckeisens Annalibus vol. 81 p. 238—255.

test esse alius quam Ionias in oratione). Ille autem in nominibus consensus quid de orationis auctore probat? Satis enim demonstravimus in iis, quae de suis personis narrat, oratorem ridiculum in modum aut ipsum sibi obloqui, aut ea narrare quae omnino fieri numquam potuerunt. Sic forte fortuna inter quinque illos viros unus est Panaetius, de quo orator inter se repugnantia narrat, quae nonnisi homonymiae ope possunt reconciliari. Si quis ergo hoc putat esse idoneum argumentum ad orationem ab Andocide abiudicandam, ei demonstres opus est, vera esse et inter se non certare, quae de hominibus narrat, non tantum vera esse nomina. Nam quis eredit, vel intimae aetatis impostorem tam fuisse ineptum, ut ista nomina de suo fingeret?

Graviora primo obtutu videntur, quae Vir Clarissimus de Euele τῷ τῆς βουλῆς καὶ τοῦ δήμου κήρυκι disputavit; sed illi soli, qui, quae de eo in Herme¹⁾ scripsit, legerit, ignoret autem, quae idem sex annis ante in Philologo²⁾ publici iuris fecerat. Inscriptio, de qua in utraque dissertatione agit, huiusemodi est: Eucli cuidam, bene de republica merito, munus quoddam publicum, pro quo merces ex aerario erat tribuenda, decernitur; apparet hoc e vocabulo (μ)ισθοφορίαν. Sequitur in eodem lapide aliud decretum, quo Philocli Euclis filio κήρυκος officium datur. Legitur enim: τῇς κηρυκείαν, quibus mox adduntur, ut verisimiliter supplet Kirchhoffius, vocabula: εἶναι τῇς κηρυκείαν Φιλοκλέει καὶ Ἀπείρῃ τῷ πατρὶ αὐτοῦ; neque dubitandum est quin paulo supra recte Kirchhoffius ita suppleverit: ἐπειδὴ ἀνὴρ ἀγαθὸς (ἐγένετο δὲ πατὴρ τοῦ Φιλοκλέους περὶ τὸν δῆμον. Utrumque autem decretum

¹⁾ K. Andocidea, in Herme I p. 1—20

²⁾ in Philologo XV. p. 409.

Vir Clarissimus eiusdem esse anni censet, itaque rem se habere ut Eucles, vixdum illo honore affectus, aut mortuus sit, aut a populo petiverit, ut sibi liceret praeconis munus tradere filio suo. Atque illum annum affirmat fuisse aut Ol. CI, 2 aut Ol. CH, 2, i. e. a. 374 aut 370 a. Chr. n.; idque se „geometrica ratione” probasse et evicisse pro certo habet ¹⁾. Hoc si verum est, orationem de mysteriis non esse Andocidis „geometrice” constat; in ea enim praece Eucles nominatur, quum aut nunquam habita sit, aut habita anno 399 (§ 132’).

Iam est res plena suspicionis, si quis id, quod semel geometricis fundamentis nititur, paucis annis post evertit. Hoc tamen Kirchhoffius facit in Herme. Nactus enim Velseni apographon mutatoque nomine phyles, eiusdem anni esse utrumque decretum negat; parum probabile esse affirmat, patrem eodem anno, quo munere donatus est, esse mortuum. Postremo, ut constet orthographia, coniicit, prius decretum secundo explicandi gratia multis post annis esse additum, priusque illud in id temporis intervallum incidere, quod est inter Ol. 94, 2 et Ol. 95, 1 (i. e. 402—399 a. Chr.). Qua in re libera est Kirchhoffio coniectura: habebimus enim duo decreta, in quibus phyles, praesidis, scribae nomina leguntur, omittitur tamen archontis nomen, quamquam alterum est decreti auctoritate publica propositum exemplar („die officielle Publication”). Res igitur eo redit, ut eadem inscriptio, quae prius certo certius demonstrabat, nostram orationem supposi-

¹⁾ Haec enim sunt Viri Clarissimi verba: „Die Phyle ist durch diese Combination mit mathematischer Gewissheit bestimmt: es bleibt keine Wahl, da nur eine, die *ἑταίρειαις*, 10 stellen zählt, alle übrigen weniger. Für den Archonten dagegen bleibt die Wahl zwischen Hippodamas, Ol. 101, 2 und Phrasikleides, Ol. 102, 2”.

tum opus esse, sex post annis a Kirchhoffio sit adhibita ad eam Andocidi vindicandam. Verum equidem ne prioribus quidem Kirchhoffii argumentis utar. Illa enim decreta in nostra causa *nihil* probare contendo. Nempe, si eadem est Naberi sententia de nostra oratione, quam de oratione περὶ τῆς ἐκποτρῶς καὶ ἐκδοτρῶς in Mnemosyne proposuit, oratio de mysteriis in schola Isocratis a discipulo quodam facta erit. Atqui Kirchhoffius docet, praeconis munus in gente Euclis a patre ad filium transiisse per tantam seriem annorum, ut etiam Ol. 123, 2 (286 a. Chr. n.) Euclis quidam Philoclis filius praececo τῆς βουλῆς καὶ τοῦ δήμου reperiatur. Ergo vel post Alexandrum magnum unusquisque rhetor novisse poterat, stante republica Atheniensi praeconem Euclen fuisse.

Haec praemonui, ne gravissimum argumentum ignorare viderer; minime vero quo eum Nabero faciam. Fateor quidem fuisse tempus, quo et ipse de orationis auctore dubiarem, et Naberi argumentis motus — quorum pars iam se mihi obtulerat, nondum lecta eius dissertatione —, et iis ἀπερίαις, quas ipse inter legendum feceram. Verum, quo saepius orationem relegebam, eo magis mihi persuadebatur non posse orationem esse non genuinam. Meum ergo iam erit demonstrare, quomodo ipse mea argumenta refutaverim. Sed ante mihi de duabus reliquis orationibus dicendum erit, quarum causa cum nostra quaestione est coniunctissima. Utriusque enim orationis, quamvis pro tempore et causa multis nominibus ab oratione de mysteriis recedant et differant, tamen si totum spectes, unam eandemque indolem observes necesse est. Satis erit lectorem relegasse ad Blassii librum vere aureum de eloquentia Attica ¹⁾.

¹⁾ Vol. I. pp. 318 et 324.

non sunt verba, quae Graece leguntur, tam absurda quam Latine ea fecit Naberus. Non enim dicit orator, maiores natu *recordari Pisistrati tyrannidem*, sed se in eius temporis historia narranda non posse decipere maiores natu. Scilicet illi, etiamsi non interfuissent, tamen multo melius quam iuniores res tunc gestas scire poterant, utpote qui patres suos vel avos de iis narrantes audivissent.

Quod attinet ad artem oratoriam, sunt quae Nabero indiguissima videantur oratore. Ita quae § 24^a leguntur de corpore et animo, insani cuiusdam deliramentis similiora quam argumentis esse dicit. De loci absurditate non agam, sed hoc dico, discipulum illum Isocratis haud dubie magistro suo admodum fuisse probatum, siquidem eius opuscula non in umbra scholae delituerunt sed in lucem prodierunt. Non ergo Isocrati visum esse in his quidquam inesse „deliramenti simile,” neque doctis grammaticis, qui illum personatum Andocidem, nil fraudis suspicantes, in canonem $\pi\acute{\alpha}\nu\ \delta\acute{\epsilon}\xi\alpha\alpha\ \xi\eta\tau\acute{\epsilon}\rho\omega$ receperunt. Profecto egregie ille adolescens oratoris in foro Attico partes sustinere sciebat! Neque quidquam attinet, utrum nostrae aetatis hominibus arguta illa ratiocinatio absurda videatur necne; hoc enim constat, qui orationem scripsit, admodum sibi in isto flosculo addendo placuisse, neque dubitasse, quin eo lectores vel auditores haud leviter moturus esset. Atqui, si ita iudicare potuit discipulus Isocrati probatissimus, qui vel doctis grammaticis imposuerit, quid obstat, quominus et Andocidi ita visum esse censeamus, homini in foro parum versato, oratori parum exercitato, quippe qui per totam vitam ter tantum vel quater, idque necessitate coactus, causam oraverit?

Magnum praeterea numerum locorum colligit Naberus quibus ostendat, auctorem orationis Grammaticae graecae fuisse

imperitissimum. Quid ergo? Arbitremur ne Isocratem probasse meditationem, in qua legerentur vocabula in Attico sermone non ferenda, in qua optativus pro indicativo positus esset, cuius, quod maximum est, nonnulli loci omni sensu carerent? Herele nisi Naberus sibi in Andocide eam rationem proposuisset, quam ipse verbis „in quovis alio scriptore glossema iudicarem” indicat, facili emendatione, quod est viri sagacissimi in talibus rebus ingenium, istarum ineptiarum maiorem partem sustulisset! Accedit, quod in eorum errorum, ut Nabero videntur, numero, nonnulla reperiuntur, quae optime possunt defendi. Sic equidem non video, quare in his *τουτὶ τοίνυν τὸ μέγα καὶ δεινὸν πάρεστιν ὑμῖν ἔρᾶν τοῦς μὲν ἤδη πράττοντας τοῦς δὲ τάχα μέλλοντας* verba *μέγα καὶ δεινὸν* orator non potuerit ipse invenire, sed ea ex *Homericis* *πάρος μέγα τε δεινὸν τε* sumserit. Ad § 7^{um} Naberus annotat: „quo modo iudices intelligere potuerunt, qui homines per istos *τοῦς παῦτα ποιήσαντας*, indicarentur?” Non minus, credo, intellexerunt, quam iudices, ad quos oratio de mysteriis habita est, eadem verba § 61^a, ubi Meletus et Euphiletus ita inducuntur loquentes: *γενέσθαι ἃ Ἀνδριδῆ καὶ πέπραχται ἡμῖν ταῦτα*. Quod improbat Naberus: *τὰ ἴδια σφῶν αὐτῶν ἁμείνων ἂν φέρεσθαι*, id fere dixerim frequens esse in sermone Attico. Si exempla conquirere vellem, sat scio me haud spernendum numerum locorum atferre posse; nunc unus sufficiat qui tamen est multorum instar: Thuc. V, 15: *οἱ Ἀθηναῖοι οὐκ ἤθελον εἰς φερόμενοι ἐπὶ τῇ ἴσῃ καταλλύεσθαι*.

Et sunt fere eiusdem generis omnia. Quid tandem illud est, quo Naberus demonstrat, non posse utramque orationem genuinam esse? Unus locus ex oratione de redita, quem tamen ipse ante, ut sibi videtur emendavit, ut mihi corruptit. Legitur § 7^o: *ὥστε ἀνάγκην μοι γενέσθαι δουρὶν κακῶν τοῖν*

μεγίστου ὁμότερον ἐλέσθαι, ἢ μὴ βουληθέντι κατεπιεῖν τοῦ
 τῶντα ποιήσαντος οὐ περὶ ἐμοῦ μόνου ἔρρωδεῖν εἴ τι ἔδει
 παθεῖν, ἀλλὰ καὶ τὸν πατέρα οὐδὲν ἀδικοῦντα τὸν ἐμυτῶ
 ἀποκτεῖναι, ἢ κατεπιόντι αὐτὸν μὲν ἀφελόντα μὴ τελευτᾶναι
 τοῦ δὲ ἐμυτοῦ πατρὸς μὴ φονέα γενέσθαι. „Non intelligo”
 ait „cur hoc tam miserum Andocidi visum sit. Novit Her-
 mocopidarum nomina, novit et alios per calumniam a Dio-
 clide indicatos esse et Leogoram; itaque denunciatur reos et
 servatur tum patrem tum ceteros cognatos. Quomodo hoc cui-
 quam dedecori esse potest?” Et post pauca „Quae est ista
 oppositio? Eo redactus fui, ut aut mihi ipsi simul cum
 patre pereundum esset, aut me ipsum servarem et patrem ex
 ignominiosa morte eriperem. In tali discrimine optio non
 adeo difficilis est, opinor. Hae difficultates superari non pos-
 sunt nisi, μὴ eiecto, legamus, τοῦ δ' ἐμυτοῦ πατρὸς φονέα
 γενέσθαι.”

Hic mihi rogare licet: Quae est ista oppositio? Si non
 denunciarem reos, patrem perderem, si denunciarem, perde-
 rem? Non est in tali discrimine difficilis optio, utra lectio
 sit absurdior. Nempe quod vulgo legitur rectissime sese ha-
 bet. In oratione enim de reditu Andocides ipse fatetur se
 fuisse in Hermocopidarum numero: hoc est illud ἐξομαρτυ-
 ρεῖν quod Naberus coniectura sua eo detorquere vult, ut
 significet Andocidem patrem suum denunciasse, quod, ut ipse
 vidit Naberus, ab omnibus scriptoribus abhorret, qui huius
 temporis historiam scripserunt, cum uno pseudo Plutarcho con-
 venit. Totius loci haec est sententia: inveniri temeritate mea
 amicorumque meorum persuasionibus illud facinus commisi,
 quod me coëgit, ex duabus tristissimis rebus alteram eligere,
 ut aut tacendo patrem perderem, aut turpi delatione me pa-
 tremque meum servarem. Quam egregie hoc convenit cum

his locis ex oratione de mysteriis, ubi eodem proposito dilemmata (§§ 58^a sq.) haec addit § 60^a: εὐρισκον τῶν παρόντων κακῶν ταῦτα ἐλάχιστα εἶναι εἰπεῖν τὰ γινόμενα, et § 67^a: τῆς μὲν τύχης ἥ ἐχρησάμενη δικαίως ἂν ὑπὸ πάντων ἐλεηθείη. Unum hoc interest, quod decem annis post orator illam fabulam de osse confracto finxit, seque suis manibus Hermas mutilavisse negat; quod si cui in oratore Attico nimis impudens videtur mendacium, ille non satis observat, quid sit verba facere ad plebeculam in iudicio sedentem.

Transeo tandem ad orationem de mysteriis, in qua ita causam meam agam ut accurate orationis exponam argumentum et dispositionem; ea enim non semper ab omnibus recte observata est. Deinde ad singulas partes annotabo, quae se mihi et fortasse aliis obtulerint difficultates, casque quantum potero diluam.

Iam ex his verbis (§ 10^a): περὶ αὐτῆς τῆς χιτήνης, ἐθένπερ ἡ ἐνδείξις ἐγένετο περὶ τῶν μυστηρίων. ὥς οὗτ' ἐμοὶ ἡσέβηται οὕτε μεμύνηται οὗθ' ἀμολέγηται, apparet, adversarios Andocidem iudicio ἐνδείξεως aggressos esse, i. e. eius nomen detulisse, quod iure quodam civium Atticorum usus esset, quo ei utpote ἀτίμῳ uti non liceret. Quae deinde in oratione leguntur de psephismate Isotimidis, de mysteriis, de tota re sacra, hanc docent fuisse subscriptionis formulam: ἀδικεῖ ὁ Ἀνδοκίδης εἰπὼν εἰς τὰ ἱερὰ ἄτιμος εἶναι.

Quemadmodum autem in oratoribus Atticis semper est observandum, quid intersit inter διακτεῖν et κατηγορεῖν, ita et hic probe inter se distinguenda sunt ἐνδεικνύειν et κατηγορεῖν. Iam, ut fieri solet, εἰ κατηγορεῖ περὶ ἄλλου μὲν ἐνδείξειν περὶ ἄλλου δὲ κατηγορεῖται. Ita, ut docet § 71^a, praeceteris Isotimidis psephismatis ope usi sunt, ex quo εἰργονται τῶν

ἱερῶν οἱ ἀτεβήσαντες καὶ ὁμολογήσαντες. Quod quum in tota accusatione primum esset, orator primo docet, mysteriorum profanationem ad se omnino non pertinere, atque recensendis nominibus eorum qui vel denuntiassent, vel denunciati essent, vel de praemiis pro indicio propositis certassent, se ostendit omni culpa esse immunem. Nec solum adversarii in eo limites ἐνδελξέως suae transgressi erant, quod Isotimidis psephismate usi erant, sed et in orationibus permulta eius facinora memoraverant, quae lege quidem nulla vindicari poterant, quorum tamen mentio eo necessario tendebat, ut reum iudiciis redderent suspectum atque invisum. Sic, quum de mysteriis agerent, hoc quoque dixerant, Andocidem patrem suum indicasse. Respondet orator: non a me, verum a Lydo Phereelis filio est denunciatus, ego vero patri persuasi ut in urbe remaneret.

Haec omnia tractantur ea parte, quae est inter § 11^{am} et 33^{am}.

Rogare subiit, quid esset, quod haec oratio ad initiatos tantum iudices haberetur (§ 31^a): nihil enim in ea legitur quod in vulgus elierre nefas esset. Haec autem eius rei causa videtur, quod, quum magna quaestionis pars de mysteriis esset, fieri poterat ut *testibus* quaedam dicenda essent, quae non nisi ab initiatis fas esset audiri. Fortasse et accusatores eiusmodi quaedam protulerant.

Alia ἀπορία haec erat: Quum constaret de *Hermis mutilis* et indicasse Andocidem et confessum esse, quumque eius in *mysteriis profanandis* nullae, quantum novimus, fuissent partes, num verisimile est orationem adversariorum praecipue in mysteriorum crimine fuisse versatam? Res ita intelligi potest, ut accusatores fingas id fecisse, quod dicit Plutarchus: τοῖς περὶ τοῦ Ἑρμῆς ὑβρίσματος καὶ τὰ μυστικὰ

τυνέπλεον. Neque quidquam obstat, quominus Andocidem putemus callide ita adversariorum verbis abusum esse, ut id, quod optime refellere poterat, accusationis primariam partem fuisse mentiretur.

Non omiserunt adversarii ea in medium proferre, quae post Dioclidis denunciationem gesta sunt, sed et famoso illo indicio usi sunt, ut reum demonstrarent esse hominem nequam et iudicium odio dignissimum. Quid ea orationis suae parte contenderint, ipse Andocides indicat § 54^a: ὡς ἄρα ἐγὼ ἐμήνυσσα κατὰ τῶν ἐπαίρων τῶν ἐμχυστῶ ὅπως ἐκείνοι μὲν ἀπίλουντο, ἐγὼ δὲ σωθείην.

Respondet orator, quod et in mysteriorum crimine fecit, ita ut totam rem ἐξ ἀρχῆς denarret (§ 34), et neminem sua culpa periisse demonstret, eodem quo in mysteriorum crimine argumento usus (§§ 25, 26, 55). De his agitur a § 34^a usque ad § 70^{am}.

Supra iam admonui, quae in nostra oratione legitur narratricula de Euphileto et osse confracto, de ea prorsus taceri in oratione secunda. Sed si quis reputabit quantum mutata esset oratoris condicio, quum orationem de mysteriis haberet, ab ea qua erat, quum de reditu suo verba faceret, non nimis hanc differentiam mirabitur. Etenim Andocides, quum de reditu orationem haberet, iam semel et iterum a civibus suis repulsus, denuo reditum in urbem temptabat. Submisit igitur et, fere dicas, flebiliter rogat atque orat, ut sibi impunitate antea decreta atque concessa frui liceat. Nee quemquam fugere potest, quam sit tota oratio verbis precativis concepta. Nihil ergo de culpa sua detrahere conatur, sed quidquid fecit se temeritate iuveni fecisse demonstrat, et ad

iudicium misericordiam provocat. Verum ab ea animi demissione quam remota est oratio de mysteriis. Restitutus enim post trigintavirorum dominationem, quum iam tres annos securus in urbe vixisset, tandem ab inimicis ἐνδείξει illa petitur. Habet quae illi respondeat atque opponat, et quod maximum est, iam sedecim anni post Herinarum flagitium erant elapsi, et ardor civium sedatus erat. Cum fiducia igitur et capite erecto se criminibus ab inimicis in se congestis purgat. Quid mirum igitur, in ea oratione audere eum id fingere et mentiri, quod sedecim annis ante ausus non erat, si iam est illud mendacium; nam fieri potest ut, quum misericordia civium se restitutum iri speraret, non censeret e sua re esse quidquam de sua confessione demere.

Video multos in eo haerere quod, quum Plutarchus perspicue exponat, quomodo Diocliides sit convictus mendacii, nempe eo, quod quum esset νευμνήξ, se Hermocopidas ad lunae lumen agnovisse dixisset, de eo nihil habeat Andocides. Itaque totum illud in dubium vocat Grotius, negatque eo tempore interlunium fuisse. Contra Naberus, Plutarcho quum fidem habeat, eo quoque argumento utitur, quo Andocidem redarguat. Equidem cum neutro facere possum. Non enim video, tantum inter oratorem et historicum interesse. Permultum enim abest, ut de ea re taceat orator; quod contra est, quum bis ponat illud πανσέληνον et πρὸς τὴν σελήνην, et paulo ante auditores valde admoneat ut animum attendant, eo satis ostendit sibi eam rem laud parvi momenti videri.

Quae inesset in Dioclidis indicio contradictio, auditores fugere non poterat, utpote qui probe nossent, quo tempore solvendae essent αἱ ἀποδείξεις. Non ergo Andoeidi opus erat narrare, post suam denunciationem eo quoque argumento

mendacii esse convietum Dioclidem; iam enim satis de eo dixerat. Sin dixisset ita iam statim Dioclidis perfidiam apparuisse, tum demum mihi a Plutareho recedere videretur, qui hoc dicit, primo tempore maiorem partem civium ad eam contradictionem non attendisse: *θέρυβιν μὲν παρέτχε τοῖς νοῦν ἔχουσι κτέ.* Et eo tempore quotusquisque νοῦν εἶχε!

Sequitur orationis ea pars, qua demonstratur, adversarios ἐνδείξει μὲν κατὰ νόμον κείμενον, κατηγορησῆσθαι δὲ κατὰ ψήφισμα ἄκοντον. Ea pars sic est distributa:

Isotimidis ψήφισμα templis areet omnes, qui ἡτέβησαν ἢ ὠμολόγησαν: id ego non solum non feci, sed et totum istud ψήφισμα irritum est, et nullam vim habet. Patroclidis enim lege τοῖς ἀτίμοις ἐπιτίμους ἐποιήσατε (§ 70^a—78^{am}).

Eiectis trigintaviris, quum populus duce Thrasybulo in urbem rediisset, inter vos dedistis iusiurandum μὴ μνηστεικκῆσθαι. § 80^a.

Creastis νομοθέτας, qui draconis et Solonis legum alias delerent, alias confirmarent. Tisameni psephisma. § 82^a.

Illo codice perfecto statuistis, ut nullae ἄγραφαι νόμοι vim haberent. Multo minus ergo ἀγράφους ψηφίσματι uti licet. § 85^a—87^{am}.

Statuistis, ut in rebus privatis tantummodo decreta liberae reipublicae valerent, in rebus publicis non nisi ea, quae post Euclidem facta essent, et cavistis ne aut ψήφισμα lege maiorem vim haberet, aut ulla ferrentur privilegia. § 88^a sq.

Quae deinde sceuta est oblivionis lex, ea vel trigintaviris certa conditione uti licet. § 90^a sq.

His expositis orator ita pergit:

Nova illa instituta omnia tam salutaria sunt, ut etiam viris quales sunt mei adversarii prosint: Cephisio, qui quod publice

debebat non solvit, et igitur ex antiquis legibus ἀτιμίη erat plectendus (§ 92^a sq.); Meleto, qui Leontem occidit, cuius necem vindicare et ulcisci propter oblivionis legem liberis eius non licet, (§ 94^a); Epichari, qui sub trigintavirorum dominatione magistratum gessit, et ergo, si etiam nunc valeret lex Solonis et Demophanti ψήφισμα, impune ab unoquoque poterat occidi. Sic se res haberet, si non latae essent novae illae leges: nunc vero adversarii mei se iactant, quasi etiam in urbe regnarent trigintaviri. § 92^a—102^{am}.

Has autem novas leges nisi vindicabitis, improbis delatorum artibus viam aperietis, et actum erit de civium otio et securitate. Et optime se illae leges habent, quae civium spectant concordiam: testis sit historia, testes sint proavi et mei et vestri omnium. § 103^a—109^{am}.

In hac parte, quae est a § 70^a usque ad 110^{am}, insunt quaedam, quae a viris doctis sunt reprehensa.

Lubentissime assentior Droyseno minori, in dissertatione de Demophanti, Tisameni et Patroclidis populi scite statuenti § 96^a post verba καὶ μὴ ἀναγγεῖν τὸν νόμον τὸν ἐκ τῆς πτύλης nullo iure Demophanti psephisma legi; scribam enim, quem Andocides recitare iussit, legem Solonis recitasse. Sed minime mihi verum vidisse idem vir doctus videtur haec addens: „Quod eam attulit Epicharem ut accusaret, maximae Andocidis levitatis est testimonium; nam oblivionis lege, ne quis rerum ante actarum accusaretur neve multaretur, prorsus neglecta ad eam Solonis legem, quam amnestia facta ad tempus abrogaverunt, redit; neque Demophanti ipsius psephisma, quod idem amnestia abrogatum est, neque restitutum, quod ad res ante popularium reditum gestas non spectabat, allerre licuit Andocidi.”

Si quis modo inspexerit, quemadmodum supra partes orationis disposuerim, videritque quo haec in Epicharem loco dicta sint, illi statim apparebit, quam iniqua sit ea reprehensio. Legem enim Solonis et Demophanti populiseitum sublata esse, minime obliviscitur orator. Sed hoc dicit: quam iniquissime est comparatum, ut mihi non permittatur oblivionis lege frui, quum iste meus adversarius Epichares, homo omnium turpissimus, propter eandem legem omni poena facinorum suorum non solum sit immunis, sed et probissimis hominibus exhibeat molestias, qui, si modo legibus ante Euclidem archontem uti liceret, dignas suae nequitiae poenas daret. Eadem est causa Cephisii et Meleti.

Non tam facile solvitur alia difficultas. Nempe nemo orationem legere potest, quin roget: omnia illa, quae leguntur a § 73ⁱ usque ad § 80^{um}, quo tandem spectant? Ea enim, quae post ea sequuntur, satis superque demonstrant, Isotimidis populiseitum novis legibus esse abrogatum. Sed quid sibi vult illud Patroclidis decretum? Rectissime Blassius p. 304^a: „Patroclidis *ψῆφισμῶν* recitatur, et varia genera capite diminutorum recensentur, hanc scilicet ob causam, ut demonstret suam quoque *ἀτιμίαν* desiisse; quamquam mirandum est ipsam illam argumentationem desiderari.” Et post pauca: „non intelligo cur orator, quae sint genera capite diminutorum, aut omnino exponat, aut certe cur tantis ambagibus exponat.” Fateor ne mihi quidem, quocunque me verterim, contigisse, ut probabili ratione explicarem, quod esset huius loci consilium. Sed unum, quantumcunque est, hic ponam. Eo loco, ubi orator queritur, adversarios suos se novarum legum commodis spoliare velle, quibus ipsi, quum veteribus legibus obnoxii sint, fruantur, Cephisium dicit,

quamquam debitum aerario non solverit, nunc poena, qua esset plectendus, liberum esse. Explicatur hoc his verbis e praecedentibus: ἡ ἀνὰς περιάμενοι ἐκ τοῦ δημοσίου μὴ κατέβαλλον τὰ χρήματα, quibuscum confrenda: γεγένηται ἀντὶ ἀτίμου συκοφαντίας. Et sic saltem longae disputationis brevis pars habet quod eo referatur, quamquam hic quoque multo melius noster omisisset verba: ἔτι τοῖς νόμοις ἐψηφίσασθε ἀπ' Εὐκλείδου ἄρχοντας χρηθῆσαι, nam Patroclidis decretum, quo solo Cephisius defenditur, iam ante Euclidem factum erat. Sed, etiam si ea verba abessent, non opus erat longis illis ambagibus, ut eo modo in Cephisium invehetur; et praeterea tam absurda sunt fere omnia, quae de ἀτίμοις narrantur, ut non possim credere, ea sic scripsisse Andocidem. Accurate de iis exposuit Naberus; hic indicasse sufficiat quod vel gravissimum est: *οἱ στρατιῶται οἷς ἔτι ἔμεινον ἐπὶ τοῦ τυράννου ἐν τῇ πόλει*. Mihi persuasum est, totum illum locum graviter esse interpolatum, alia excidisse, alia esse addita, quamquam nunc non habeo idonea argumenta quibus vera a falsis discernam.

Praeter eas, quas iam enumeravi, κατηγορίαις hac quoque usi sunt adversarii ut demonstrarent, reum hominem esse tam profligatum et perditum, tamque a scelerum suarum poenis praecipitem agi, ut ultro capitis pericula adiret, e quibus tamen eum dii eripuerint „non ut ab exitio servatus, sed ad hoc iudicium reservatus videretur.” Sic enim in templo Eleusinio deposuisse *ἱετηρίαν*, quod qui fecerit eum capital commisisse; sic eum ultro citroque navigasse, ubi deorum irae maxime esset obnoxius. Illud *ἱετηρίαις* crimen orator in ipsos accusatores retorquet. Postquam enim narravit iam Cephalum docuisse, non esse illud capital, ita pergit: ipse

Callias illam *ἰκετηρίαν* posuit, quia me indicta causa e medio tollere volebat; oderat enim me quia ei in iudicio de *ἐπικληρώ* molestus fueram. Primum ergo auctor fuit huius *ἐνδείξεως*; quum hoc periculum videret me sustinere, τὴν *ἰκετηρίαν* posuit; quum ne sic quidem metuerem, per amicos me certiores fecit, si de proposito meo destituissem, se iudicii periculo me esse liberaturum. Tum acerbissimis maledictis in Calliam et Calliae gentem invehitur, et turpes eius amores describit. Postremo sic rogat: cur tertio demum post anno inimici me petunt? Quia eo tempore satis cognoverunt, me improbis semper molestum, semper adversarium futurum. Et quod ad meas navigationes pertinet, putatisne deos immortales mihi pepercisse, ut Epicharis et Cephisii victima caderem? Tandem post argumenta quaedam ad rempublicam pertinentia suaeque sortis commiserationem orationem absolvit.

Haec ita exposui, non solum ut data facultate argumenta quaedam refellerem, quibus quis uti possit ad orationis auctoritatem refellendam, sed etiam quia censebam, ex tali breviori sed non nimis succincta dispositione magis quam, si quis totam orationem perlegeret, et eius rationem consiliumque perspicua fieri, et apparere quam nulla sit veri species, tale opus ab impostore esse factum. Insunt quaedam, quae iure reprehendi possint; sed insunt plura egregia et optimo oratore dignissima. Eorum exemplum sit quod legitur § 72¹, ubi orator, demonstraturus abrogatum esse Isotimidis *ψήφισμα*, haec praemittit: καίτοιγε τοιαύτην ἀπολογίαν περὶ αὐτοῦ ποιήσομαι ὥστε μὴ πείθων μὲν ὑμᾶς αὐτὰς ζημιώσομαι, πείσας δὲ ὑπὲρ τῶν ἐχθρῶν ἀπολελογημένους ἔσομαι, quo referendum fictum illud sub trigintaviris iudicium (§ 101^a sq.), quod vel nobilissimos Lysiae locos aemulatur. Sed, ut iam

dixi, multo magis e totius orationis conspectu apparet, non potuisse tale opus e rhetoris umbraculo provenire. Quis credere possit, rhetorem causam tam intracatam de suo finxisse, et de ea talem scripsisse orationem, quae quum optime vero iudicio et reo vere instans periculum defendenti conveniat, fere nihil habeat quo posteris lectoribus commendetur? Non enim locos habet communes, callido artificio compositos, quales imprimis ab artis oratoriae magistro vel discipulo erant expectandi. Omnia produunt oratorem in foro parum exercitatum, sed necessitate coactum, ut iudicum animos movendo e capitis periculo evadat; adversariorum malas artes, sua incommoda atque miserias, tam accurate describit ut nihil omittat, quod prodesse possit; quod dicendi genus, si quis censeat quemquam imitari potuisse, qui rebus gestis non interfuisset, ei licebit et de orationis *κατ' Ἐπεροσθένους* auctore dubitare. Quin etiam plerique illi in historia errores ab oratore committi potuerunt, qui non solum id, quod sibi nocere possit, mutat et in suum commodum detorquet, sed et de tota historia tam securus est, ut ea describens quae ad rem minus attinent, ridicula sibi mendacia excidere patiatur. Alienissimi vero illi errores sunt ab eo, qui de ficta causa orationem scribendo doctrinam et ingenium suum ostentare velit; talis homo non scripsisset Alcibiadem ter fugisse, alios bis occisos vel bis in exilium pulsos esse.

Tandem eo, unde sum digressus, revertor. Demonstravi orationem *περὶ τῶν μυστηρίων* genuinum esse Andocidis opus; quamquam vix ea demonstratione opus erat, nam credo ne ipsum quidem Naberum hoc tempore contrarium defendere velle. Scatet tamen oratio mendaciis, et narrationes pleraeque

cum iis, quae aliunde novimus, certant. Cuius rei hanc esse causam docui, quod veritatem sibi obfuturam esse ipse orator probe intelligeret, deinde etiam, quod in iis, quae cum causa sua minus coniuncta essent, diligentiam sperneret et nihili faceret veritatem. Eadem causa est in comicis; modo adversarios suos laedant, ne in iis quidem veritatem morantur, quae spectatoribus notissima esse haud ignorant. Nemo erat Athenis, quin nosset, Socratem nullas a suis discipulis accipere pecunias: tamen cum pretio docentem facit Aristophanes. Quid ergo inde apparet? Nempe in rebus historicis tum demum comicorum et oratorum testimoniis uti licere, si quae narrant plane cum iis, quae aliunde cognovimus convenient, sin alicubi id tradant quod sine eorum testimonio inauditum nobis foret, id unum constare, sic comici vel oratoris rationes ferre, sed utrum vera an falsa narrent in medio esse relinquendum.

In comicis post Müllerum-Strubingium vix quisquam peccabit, nec minus de oratoribus idem apud omnes constat. Sed non semper quod constat ubique observant viri docti. Utar uno exemplo, quod se mihi forte obtulit. Quis dubitat, quin in antiquitatum Atticarum doctrina facile omnibus praeripiant palmam Meierus et Schömannus? Tamen et illos demonstrabo uno Andocidis loco nisos id docere, quod vix sit credibile. Nemo ignorat, hanc fuisse Athenis legem, ut, si quis accusator in iudicio publico causam suam non quintae iudicium parti probasset, ei mille drachmarum multa diceretur, deinde etiam, ne posthaec ei liceret eiusmodi quaestionem instituere. Profecto satis severa erat illa lex, neque opus erat singulare quidquam addere. Quid vero Andocides? „ὅτι μὴ μετὰ λαβῆναι“ ait

§ 33^a «τὸ πέμπτον μέρος τῶν ψήφων καὶ ἀτιμωθῆ ὁ ἐνδείξας ἐμὲ Κηφίσιος οὕτως οὐκ ἔξεσται αὐτῷ εἰς τὸ ἱερὸν τοῦν θεῶν εἰσιέναι ἢ ἀποθχεῖται.» Meierus et Schömannus ergo in praeclaro libro de iudiciis Atticis haec addunt p. 734: «praeterea in iudiciis de re sacra, nisi accusator quintam partem sententiarum obtinuisset, fas non erat eum in hoc illudve templum introire»; et in calce paginae nostri loci testimonium citant. Cautius credo fecissent, si totam rem vel omisissent, vel ad calcem paginae relegassent. Nam numquam mihi persuadebitur, fuisse corpus iuris Attici tam omnibus numeris absolutum, multo minus plebem iudicantem illud tam probe memoriter tenuisse, ut, si iam talis lex exstaret, Andocides non opus esse censuisset eam recitari iubere. Sed quod maximum est, non licet ita de iure et antiquitatibus libros scribere, ut quidquid oratores tradunt et contendunt in unum corpus colligas, etiam ea quae nulla ope aliena defenduntur. Id non semper et ubique esse observatum hoc uno exemplo fit perspicuum.

Dicebam tum demum oratoribus fidem esse habendam, si ea quae tradunt cum iis, quae aliumde novimus, convenient. Hoc si probe teneas, nonnumquam etiam orator historico lucem asferre potest. Huius quoque rei exemplum dabo ex Andocide, et in eo finem faciam. Thucydides, postquam narravit eorum, qui in carcere essent, unum et suam et aliorum quorundam culpam esse confessum, eosque indice excepto esse interfectos, sic pergit c. 61^o: περὶ δὲ τοῦ Ἀλκιβιάδου ἐνυχόντων τῶν ἐχθρῶν, οἵπερ καὶ πρὶν ἐκπλεῖν αὐτῶν ἐπέθεντο, χλασπῶσι οἱ Ἀθηναῖοι ἐλάμβανον· καὶ ἐπειδὴ τὸ τῶν Ἑρμῶν ᾤοντο σφαῖρ᾽ ἔχειν, πολὺ δὲ μᾶλλον καὶ τὰ μυστικά, ὧν ἐπαίτιος ἦν, μετὰ τοῦ αὐτοῦ λόγου καὶ τῆς ξυνουσίας

ἐπὶ τῷ δήμῳ ὑπ' ἐκείνου ἐδόκει παραχθῆναι. Satis obscure haec dicta sunt, nec facile reperias quo modo alterum ex altero sequatur. Quid? Quoniam Athenienses putabant se de Hermocopidis veritatem comperisse, ergone putabant eodem evertendae reipublicae consilio mysteria ab Alcibiade esse profanata? Aequales Thucydidis non est dubium quin eius mentem optime perspexerint; nobis vero ea ex Andocide demum fiunt perspicua. Sic enim narrat Dioclidem denunciasse (§ 42^a): ἡγήμᾳς δ' εἶπεῖν ὅτι δεδωγμένον ἡμῖν εἴη δύο μὲν τάληντα ἀργυρίου δίδόναι οἱ ἀντὶ τῶν ἐκκτὸν μνῶν τῶν ἐκ τοῦ δημοσίου, ἔαν δὲ ἡμεῖς κατὰσχευμεν ἃ βουλόμεθα, ἔνα αὐτὸν ἡμῶν εἶναι." Non ergo nomina tantum reorum detulit Dioclides, sed hoc quoque addit, eos conspirasse in patriam, et nefario suo facinore liberae rei publicae spectasse perniciem. Et callide prudenterque ita denunciavit Dioclides. Nam nisi hoc addidisset, non satisfacisset populo; si eos dixisset e mera ebrietate atque intemperantia Hermas mutilasse, nullam ei fidem habuissent Athenienses, ne de praemiis dicam et laudibus publice decretis. Qui enim semel periculum patriae impendens ab optimatibus, quibus ἀπαντα ἢ τυραννίᾳ καὶ ξυνωμοσίᾳ animo concepissent, eos credibile est facile aurem prae-buisse cuivis indici, modo homines nobiles nominaret, simulque eorum periculosa reipublicae consilia proderet; qui si ita denunciaret, parati erant cives, libertatis studiosi, aperta mendacia et ridiculas contradictiones concoquere. Profecto si Dioclides aut de impiorum hostilibus consiliis tacuisset, aut minus nobiles homines indicasset, non solum οἱ νότον ἔχοντες, sed universus populus statim observasset, non posse interlunii tempore homines ad lunae lumen agnoscī, statimque homo falsi indicii dedisset poenas. Idem et Andocides intelligebat; ergo, quod Dioclides de impiorum consiliis dixerat, de eo

nihil detraxit, sed ultro populi suspiciones aluit et corroboravit. Quae enim narrat, omnia pertinent ad factionem nobilium; eorum verba oligarchica consilia innuunt, velut haec c. § 63¹: *τὸ μέντοι εἰ μὲν ἀξιότης ἡσυχίῳ ἔχειν καὶ σωπαῖν, ἔξεις ἡμᾶς ἐπιτηδεύουσιν ὥσπερ καὶ πρότερον· εἰ δὲ μή, χαλεπώτεροί σοι ἡμεῖς ἐχθροὶ ἐσόμεθα ἢ ἄλλοι τινὲς δι' ἡμᾶς φίλοι.* Quam egregie haec conveniunt cum Thucydide, quam perspicua nunc fiunt eius verba modo citata. Tandem aliquando Athenienses non solum patriae illos infestos proditores, sed etiam ipsam proditionem manibus tenebant; quae anxio animo suspicati erant, ea se non temere metuisse nunc certo sciebant. Quumque iam constaret, ceteros sibi hoc propositum habuisse, ut statum popularem everterent, quanto magis idem voluisse Alcibiadem consentaneum erat, in quem iam ab initio civium mentes erant conversae, et in quem nunc ἔλκε ὁ δῆμος ἐρρύη σχολάζοντι τῷ θυμῷ.

Iam ad finem perveni. Uno exemplo ostendi, quemadmodum legendus sit Thucydides, et quae sit in rebus historicis oratorum fides. Qua in re si probatis iudiciis operam meam probavero, posthac eodem consilio alios quoque historiae Atticae locos tractabo.

Imprudenti mihi errores nonnulli exciderunt, quos tunc demum observavi, quum libellus iam typis impressus esset. Benevolum lectorem rogo ut eos inter legendum corrigat.

P. 3. l. 12 post *omen* inseratur *esse*.

P. 4. l. 17 pro *dixi* legatur *dixeram*.

P. 5. l. 3 pro *non nisi* legatur *nisi nisi*.

P. 6. l. 1 pro *prae* legatur *ex*.

P. 16. ann. 2 pro *nimis* legatur *magis*.



University of Toronto
Library

**DO NOT
REMOVE
THE
CARD
FROM
THIS
POCKET**

Acme Library Card Pocket
Under Pat. "Ref. Index File"
Made by LIBRARY BUREAU

